

喪

服

鄭

氏

學

喪服鄭氏學卷九

婁縣張錫恭纂述

吳興劉承幹參校

大功布衰裳牡麻經無受者注大功布者其鍛治之功
難沾之

疏章次此者以其本服齊衰斬

錫恭案齊衰者謂服子以下斬者指長子

也爲殤死降在大功故在正大功之上義齊衰之下

也不云月數者下文有纓經無纓經須言七月九月
彼已見月故於此略之且此經與前不同前期章具
文於前杖章下不杖章直言其異者此殤大功章首

爲文略於正具文者欲見殤不成人故前略後具亦
見相參取義云無受者以傳云殤文不縛不以輕服
受之注云大功布者其鍛治之功麤沽之者斬麤
皆不言布與功以其哀痛極未可言布體與人功至
此輕可以見之言大功者斬衰章傳云冠六升不加
灰則此七升言鍛治可以加灰矣但麤沽而已錫恭案斬
衰章傳云鍛而勿灰所謂灰者用欄灰以鍛治見考
工記髹氏與雜記錫衰之加灰不同此疏云加灰微
嫌無區別若然言大功者用功麤大故沽疏其言小者對
大功是用功細小

李氏如圭曰布用功麤略故曰大功布也大功則差

細密

錫恭案此大功當作小功

總則治其縷細如絲矣聞傳曰大

功七升八升九升此章皆齊衰以上之殤降而服大

功其齊裳七升

錫恭案齊當作衰

冠十升衰服不言齊者齊

之可知無受者既卒哭不變服也服間曰殤非重麻爲其無卒哭之稅所謂無受也

楊氏復曰斬衰冠緇纓齊衰冠布纓齊衰以下不見所用何纓又案雜記云總冠纁纓注云纁當爲纁麻帶經之纁謂有事其布以爲纓以此條推之則自總而上亦皆冠布纓而未纁而總始纁其纓耳

吳氏廷華曰無受者傳云其文不緝故終喪一服而

已

夏氏斨曰大功小功旣葬以後有受服殤服無受故大功小功之前別出殤服緦麻無受服殤亦無受服故緦麻之殤散在緦麻中不別出緦麻殤也

錫恭案此可正

程氏瑤田之謬說

郝氏敬曰不言冠帶屨與疏衰同錫恭案郝所謂疏衰其無受者耶小記曰齊衰三月與大功同者緦屨是屨同緦屨也然就小記斯言繹之所同者緦屨則此外一無所同也攷義服齊衰其冠九升布帶視冠亦九升也降服大功其冠十升布帶視

冠亦十升也然則冠帶升數不同矣郝氏之說未足據也

子女子子之長殤中殤注殤者男女未冠笄而死可殤者女子子許嫁不爲殤也

傳曰何以大功也未成人也何以無受也喪成人者其

文緝

錫恭案文字處石經原空補缺作未

喪未成人者其文不緝故殤之

經不繆垂

校勘記曰瞿中溶云石本原刻作繆从手傍

蓋未成人也年十九

至十六爲長殤十五至十二爲中殤十一至八歲爲下

殤不滿八歲以下皆爲無服之殤無服之殤以日易月

以日易月之殤殤而無服故子生三月則父名之死則

哭之未名則不哭也注縗猶數也其文數者謂變除之節也不縗垂者不絞其帶之垂者雜記曰大功以上散帶以日易月謂生一月者哭之一日也殤而無服者哭之而已爲昆弟之子女子亦如之凡言子者可以兼男女又云女子子者殊之以闕適庶也

釋文未冠古亂反 文縗音辱 不縗居虬反 猶數音朔下同 散帶悉但反

疏子女子子在章首者以其父母於子哀痛情深故在前云殤者男女未冠笄者案禮記喪服小記云男子冠而不爲殤女子笄而不爲殤故知男女未冠笄

而死可哀殤者女子子許嫁不爲殤者女子笄與男子冠同明許嫁笄雖未出亦爲成人不爲殤可知兄弟之子亦同此而不別言者以其兄弟之子猶子明同於子故不言且中殤或從上或從下是則殤有三等制服惟有二等者欲使大功下殤有服故也若服亦三等則大功下殤無服故聖人之意然也 傳

云何以大功也問者以成人皆期今乃大功故發問也云未成人也者答辭以其未成人故降至大功云何以無受也問者以其成人至葬後皆以輕服受之今喪未成人卽無受故發問也云喪成人者其文緝

已下答辭遂因廣解四等之殤年數之別并哭與不
哭具列其文但此殤次成人是以從長以及下與無
服之殤又三等殤皆以四年爲差取法四時穀物變
易故也又以八歲已上爲有服七歲已下爲無服者
案家語本命云男子八月生齒八歲亂齒女子七月
生齒七歲亂齒錫恭案此大戴禮本命篇文今傳據男子而言故
八歲已上爲有服之殤也傳必以三月造名始哭之
者以其三月一時天氣變有所識校勘記曰玉篇云眊俗作眊說
文眊目偏合也俗以眊盼混爲一字故遂誤爲眊
盼宜作眊錫恭案眊下又云一日衰視也此用衰視
義人所加憐故據名爲限也云未名則不哭也者不

止依以日易月而哭

曹氏元弼曰止當爲正

初死亦當有哭而

已

注

云其文數者謂變除之節也者成人之喪

既葬以輕服受之又變麻服葛總麻者除之至小祥又以輕服受之男子除於首婦人除於帶是有變除之數也今於殤人喪象物不成則無此變除之節數月滿則除之又云不繆垂者不絞帶之垂者凡喪至小斂皆服未成服之麻麻經麻帶大功以上散帶之垂者至成服乃絞之小功已下初而絞之今殤大功亦於小斂服麻散垂至成服後亦散不絞以示未成人故與成人異亦無受之類故傳云蓋不成也引雜

記者證此殤大功有散帶要至成服則與成人異也
云以日易月謂生一月者哭之一日也若至七歲歲
有十二月則八十四日哭之此旣於子女子子下發
傳則惟據父母於子不關餘親云殤而無服哭之而
已者此鄭惣解無服之殤以日易月哭之事也云昆
弟之子女子子亦如之者以其成人同是期與眾子
同今經傳不言者以其亦猶子故也云凡言子者可
以兼男女者謂若期章云子又云昆弟之子是子中
兼男女也又云女子子者殊之以子關適庶關通也
爲子中通有長之適若然成人爲之斬衰三年今殤

死與眾子同者以其殤不成人與穀物未熟故同入

殤大功也

曹氏元獨曰故同二字似當倒

故別言子見斯義也王肅

馬融以爲日易月者以哭之日易服之月殤之期親

則以旬有三日哭總麻之親者則以三日爲制若然

哭總麻三月喪與七歲同

錫恭案總麻二字誤此與下七歲對蓋指始生三月

者也又此傳承父母子之下而哭總麻孩子疏失之甚也

通典馬融曰子者男子之已爲子

錫恭案曰爲子三字當改及女

子子之殤服也成人服周長中殤降一等服大功也

不書男子女子者男女異長也男子二十而不爲殤

女子十五許嫁笄而不爲殤也其未嫁

錫恭案未嫁當作未許嫁

如男子二十乃不爲殤

李氏如圭曰言子者長子亦在焉以殤死略之

方氏苞曰子與女子子何以先於叔父姑姊妹也人情於子之殤其哀心多過於叔父姑姊妹故首舉之以示喪服之制皆以責人情之實而不可僞也

胡氏培輦曰云女子子許嫁不爲殤也者喪服小記曰丈夫冠而不爲殤婦人笄而不爲殤曲禮女子許嫁笄而字春秋僖九年伯姬卒文十二年子叔姬卒公羊傳皆云此未適人何以卒許嫁矣婦人許嫁字而笄之死則以成人之喪治之是女子許嫁而笄卽

不爲殤矣雜記曰女雖未許嫁年二十而笄禮之鄭注雖未許嫁年二十亦爲成人矣而馬氏云女子十五許嫁笄而不爲殤也其未許嫁如男子二十乃不爲殤義與鄭同其云女子十五許嫁笄者據內則十有五年而笄言也

錫恭案注言女子子許嫁不爲殤不言男子冠不爲殤者以傳著三殤之年男子二十而冠十九以下爲殤禮之常而傳已著者也女子許嫁容有十九以前者內則曰十有五年而笄笄卽不爲殤此惟女子子有之而傳未著者也故注補著之敖氏

謂古者男女必二十而冠笄欲陰破此注也而不
顧內則正文矣

段氏玉裁曰不繆垂繆各本從木惟玉篇手部引喪
服傳曰殯之經不繆垂不絞其帶之垂者字從手

案唐石經亦從手

案從手爲是說文繆縛殺也縛殺者今絞

恭錫

罪近之交部曰絞縊也糸部曰縊經也古以兩繩相
糾切死者或謂之經或謂之縊或謂之絞或謂之繆
故鄭以絞釋繆云絞其帶之垂者若木下句曰繆於
此義無涉玉篇所據獨爲古本也檀弓衣衰而繆經
注云繆當爲不繆垂之繆正用喪服傳語疏云繆謂

兩股相交也今本禮記注疏亦譌從木宋本且譌不
摻垂爲木摻垂矣蓋未成人也依單行疏本作蓋不
成也爲長此謂殤之經不成以見不緝耳不容再疊
未成人句摻居蚘反亦力周反

胡氏培聲曰兩言未成人者以降爲大功及無受皆
以未成人之故其文緝其文不緝乃正釋無受之義
殤之經不摻垂則亦文不緝之故舉之以爲無受比
例也摻當從手旁石經原刻作摻是也廣雅摻束也
眾經音義引倉頡篇亦云摻束也摻垂謂結束其帶
之垂者檀弓衣衰而繆經鄭注繆讀爲不摻垂之摻

足見字以作摻爲正矣敖氏云摻當作繆非

褚氏寅亮曰殤之經不摻垂文承不緝言指要經明矣蓋要經有摻散之變始散繼摻者爲變其文緝也

始終不摻者爲不變其文不緝也若首經則九月以上始終有纓七月以下始終無纓無變不變之異也

檀弓之繆經環經則指首經而言一股而不纏者曰

環經

錫恭案不字衍

此弔服也兩股而絞者曰繆經此五服

之經也繆經但有有纓無纓之別無摻垂不摻垂之

異敖氏卽指要經爲首經又謂異於成人者散而不

絞俱誤

錫恭案敖說病根在以經纓爲垂又以斬衰經直麻之左本爲纓齊衰經壯麻末之在左

者爲纓轉輓相誤遂成非先王之法服而此
樛垂之說特其誤之枝葉也辨互見斬衰章

通典漢戴德云七歲以下至生三月殤之以日易月
生三月哭之朝夕卽位哭葬於園旣葬止哭不飲酒
食肉畢喪各如其日月此獨謂父母爲子與昆弟相
爲耳胡氏培翬曰殤而無服者謂但哀傷之而已非謂哭也引戴氏此條而曰云旣葬止哭於理尤合則所謂無服之殤以日易月者亦但不飲酒不食肉不作樂而已錫恭案喪大記期大功之喪旣葬食肉飲酒期終喪不食肉不飲酒父在爲母爲妻是不食肉不飲酒尤重於哭也戴氏以此說無服之殤疑於重胡氏以哭爲太重而從戴氏此說疑於以重爲輕均失之

通典吳徐整問射慈曰八歲以上爲殤者服未滿八
歲爲無服假令子以元年正月生七歲十二月死此

爲七歲則無服也或以元年十二月生以八年正月死以但踐八年計其日月適六歲耳然號爲八歲日月甚少全七歲者日月爲多若人有二子各死如此其七歲者獨無服則父母之恩有偏頗答曰凡制數自以生月計之不以歲也

胡氏培翬曰傳不云七歲以下而云不滿八歲以下

者謂必實歷七歲入八歲限乃爲下殤如每歲十二月七歲八十四月若有八十五月爲滿八歲否則仍在七歲限內未滿八歲矣射氏

所謂以月計者殆合傳意也問曰無服之殤以日

易月哭之於何處有位無答曰哭之無位禮葬下殤於園中則無服之殤亦於園也其哭之就園也

又崇氏問云舊以日易月謂生一月哭之一日又學

者云以日易月者易服之月殤之周親者則以十三

日爲之制二義不同何以正之淳于濬答云案傳之

發正於周年之親而見服之殤者

錫恭案服上脫無字

以周親

之重雖未成殤應有哭之差大功已下及於緦麻未

成殤者無復哭日也何以明之案長殤中殤俱在大

功下殤小功無服之殤無容有在緦麻

錫恭案此言以大功小功

差之宜有在緦麻者而年極幼稚不當爲之服故曰無容

以其幼稚不在服章隨

月多少而制哭日也大功之長殤俱在小功下殤緦

麻無服之殤則已過絕無復服名不應制哭故傳據

周親以明之且緦麻之長殤服名已絕不應制哭豈

有生三月而更制哭乎

又范甯與戴逵書問馬鄭二義逵答曰夫易者當使用日則廢月可得言易耳鄭以哭日准平生之月而謂之易且無服之殯非唯周親七歲以下也他親長中降而不服故傳曰不滿八歲已下皆爲無服之殯也如馬義則以此文悉關諸服降之殯者若如鄭義諸降之殯當作何哭耶若復哭其生月則緦麻之長殯決不可二百餘日哭鄭必推之於不哭則小功之親以志學之年成童而夭無哭泣之位恐非有情者之所允也甯又難逵曰傳云不滿八歲爲無服則八

歲已上不當引此也尋制名之本意父之於子下殤小功猶有緦麻一階非爲五服已盡而不以緦麻服之者以未及人次耳

又宋庾蔚之謂漢戴德云獨謂父母爲子昆弟相爲當不如鄭以周親爲斷周親七歲以下容有緦麻之服而不以緦麻服服之者以其未及於禮故有哭日之差耳他親有三殤之年而降在無服者此是服所不及豈得先以日易月之例耶戴逵雖欲申馬難鄭而彌覺其躋范甯難之可謂當矣案束皙通論無服之殤云禮緦麻不服長殤小功不服中殤大功不爲

易服哭惟齋縗乃備四殤焉凡云男二十而冠三十而娶女十五許嫁而笄二十而出並禮之大斷至於形智夙成早堪冠娶亦不笄之二十矣

錫恭案笄字誤胡氏正義

改作

笄冠有成人之容婚嫁有成人之事鄭某曰殤

年爲大夫乃不爲殤爲士猶殤之今代則不然受命

出官便同成人也

欽定義疏殤服之上中下以長少爲差則無服之殤亦當以歲月爲差而自七歲以下三月旣名以上不可一例視之明矣故期親而殤未及歲者旣名則哭之三日其歲月遞多則哭之之日亦遞增以至於八十

四日而止論者猥疑八十四日之過多而欲以本服之月爲月夫本服之月則七歲以下旣名以上之所同也可無差次乎且功總之殤可以無哭而哭之以九日五日三日則失之重期之殤至六七歲而限以十三日之哭則失之輕旣乖疏戚之倫又混長少之次其不然也決矣

鄭氏珍曰以日易月之制古今解者凡四說謂生一月者哭之一日是以月爲子生月數鄭氏注也謂以哭之日易服之月是以月爲殤者之本服月數馬融王肅注也明郝氏敬云應服九月七月者

錫恭案此旣不在中

殤之年則應服七月者指何人又哀傷不過九日七
為殤中之謬而私變未暇辨也

日則以月為殤服月數 國朝孔氏廣森謂傳止據

期親其三殤之下當降總麻以不足成服止制三日

哭為以哭之日易總之月則又以月為總麻月數愚

以四說者獨康成確與傳合為正得禮意餘皆肌造

不足據也蓋三殤歲數射慈云自以生月計之不以

歲是算殤必由今年生月計起至明年此月得十二

个月始為一歲數得八个對年則滿八歲

錫恭案以射氏說釋

之則及第八年之生月方為八歲此又似以第九年

生月之上月為滿八歲與射氏小異當從射氏說

傳之云滿八歲與俗以兒生十二月為滿歲其算同

也子夏上云十九至十六爲長殤十五至十二爲中殤十一至八歲爲下殤已是就生之月數積算制服則不滿八歲以下傷之而不服者自仍就生之月數積算制哭則此句所謂月者爲是生之月數已含在上計三殤歲數內順文讀之自明並非虛著一鵠突語也而算殤皆是由死時逆數其生以差爲有服無服之制由十九歲到滿八歲諸成殤者服限已明由不滿八歲以至初生其哭限猶未明也故子夏必逆計到生滿三月爲制哭之始云子生三月則父名之死則哭之未名則不哭於是哭限亦明所以必滿三

月始哭者禮無論適庶皆生三月之末母以子見於
父父咳而名之始有父子之恩其死也哀出乎情斯
哭矣若未三月而死父尙未見子面直與未生者同
欲哭奚由哭乎此聖人制無服之殤哭日必計生月
之禮意也平心就傳文讀之鄭注爲確乎爲否乎傳
文發在子女子下又末云哭不哭止主父言賈疏本
范甯說云此惟據父母於子不關餘親視大戴兼及
昆弟於傳尤合馬王以本服月數計者如齊衰大功
三殤俱有服不成殤猶曰可以制哭至小功則服止
長殤總親則長殤且無服而反於八歲以下至生三

月者爲之制哭有是理乎賈疏譏爲疏失之甚誠是而開元禮獨從之宋以後及國朝禮家十九是之皆積惑難破矣郝氏又勘殤大小功月數以爲新巧究其不通仍與馬王不異孔氏本晉束皙滄子膚謂傳據期親而會以范甯之說解爲三日哭易總麻三月夫服之輕重皆緣恩義之淺深卽如三殤亦生月多者服重生月少者服輕今自不滿八歲以下漫無差等聖人制禮豈其然乎晉儒惟據期親於傳外別生枝節非所宜信也

沈氏彤曰以日易月注謂生一月者哭之一日疏

謂若至七歲歲有十二月則八十四日哭之此說
決不可從設父母以百歲而終計其月當一千二
百依鄭賈所云哭之三年尙不滿千日豈有哭七
歲之殤而日數反過於父母者乎錫恭案沈氏之
意哭父母日數不滿其月數哭七歲兒反滿其生
月以是爲過也然其說非也服術有六五日長幼
謂殤服也其以年月計者以其術本爲長幼故也
若父母之喪其術在親親而兼有尊尊存焉豈可
以年月計者乎不惟父母而已自殤服而外有以
年月計者乎以父母例無服之殤何其擬不於倫

也以是難注不亦誣乎不意果堂先生乃有此誣也

通典凡臣不殤君子不殤父妻不殤夫

蔡氏德晉曰左傳國君十

五而生子是固有年十四五而婚娶者矣律以傳文十九至十六爲長殤十五至十二爲中殤則父與夫皆有卒於殤之年者矣既冠昏不得復以殤服服之則凡有妻子者皆勿殤可也

又晉長史姜輯議安平嗣孫服曰諸侯體國嗣孫至

重欲其屑嗣早繼者文王之爲世子在於王季之時

亦猶凡諸侯之世子耳而十五便生武王推此而言

則禮許世子以早冠禮男子冠而不爲殤既冠昏姻

不復得殤服服之謂以爲嗣孫

徐氏通考引以作已當從之

年已

十八備禮冠娶當從成人之例

又晉新蔡王年四歲而亡東海王移訪太常博士張
亮議聖人因親以教愛親不同而殤有降殺蓋由知
識未同成人故也七歲以下謂之無服之殤記曰臣
不殤君子不殤父東海與新蔡別國旁親尊卑敵均
宜則同殤制而無服也

錫恭案宜則疑倒

國子祭酒杜夷議

諸侯體國備物典事不異成人宜從成人之制宋庠
蔚之謂嗣子之體不以成人爲義故經有諸侯嫡子
之殤服臣子不殤君父宮臣得服斬耳自餘親自依
其本服記曰能執干戈以死社稷則以成人服之先

儒又推年未二十而冠婚及爲大夫者皆不爲殯至若諸侯繼體象賢君臨一國事過大夫遠矣而可反殯之乎孝武帝孝建元年有司奏故第十六皇弟休隋薨天年始及殯追贈諡東平沖王哭制未有准輒下禮官詳議大學博士陸澄議案禮有成人道則不爲殯今旣追祚土宇遠崇封秩珪黻備典成熟大焉典文式昭殯名去矣夫嘉偶在室元服表身猶以免孺子之制全丈夫之義安有名頌爵首而可服以殯禮有司尋澄議無明證卻使秉正更上澄重議竊謂贈之以義所以追加名器故贈公者便成公贈卿者

便成卿贈之以王得不爲王乎然則在生而封或既
沒而爵俱受帝命不爲吉凶殊典同備文物豈以存
亡異數今璽策咸秩是成人之禮羣后臨哀非下殤
之制若喪用未成親以殤服末學含疑未之或辯左
丞羊希參議尋澄議旣無畫然前例不合准據案禮
云子不殤父臣不殤君君父至尊臣子恩重不得以
幼年而降又曰尊同則服其親服推此文旨旁親自
宜服殤所不殤者惟施臣子而已詔可大明五年有
司奏故永陽縣開國侯劉升子讀禮通考引宋書禮志作叔子錫恭案草
書叔形近升因年始四歲旁親服制有疑太常丞庾
誤叔爲升也

蔚之等議並云宜同成人之服東平冲王服殤寔中

追贈已受茅土

錫恭案此句上下當有脫文讀博士禮通考引已字上有異於二字

司馬與之議應同東平殤服左丞荀萬秋等參議南面君國繼體承家雖則佩觿未闕成德君父名正臣子不容服殤故云臣不殤君子不殤父推此則知旁親故依殤制東平冲王已經前議若升仕朝列則爲大成故鄱陽哀王追贈太常親戚不降愚謂下殤以上身居封爵宜同成人年在無服之殤以登官爲斷今永陽國臣自應全服至於旁親宜從殤禮詔可梁天監十四年舍人朱昇議禮年雖未及成人已有爵

命者則不爲殤封陽侯年雖中殤已有拜封不應殤

服帝可之於是諸王服封陽侯依成人之服

錫恭案鄭君殤

小功章注曰大夫爲昆弟之長殤小功謂爲士者若不仕者也以此知爲大夫無殤也夫爲大夫且無殤服况胙茅土而爵公侯者乎杜氏夷庾氏蔚之陸氏澄朱氏昇之議自是正論然古之未冠而爲大夫者必其形智夙成賢能蚤著非常之士故勿殤而無疑後世祇以天潢貴胄年在童孺而膺爵土世儒故多異議也然則其失在蚤封而不在勿殤也蓋封建旣異於古而服術中兼尊尊者難以盡合於禮矣

胡氏培翬曰檀弓曰魯人欲勿殤童汪錡問於仲尼

仲尼曰能執干戈以衛社稷雖欲勿殤也不亦可乎

此有功而不殤也

錫恭案殤上原脫不字今補

叔父之長殤中殤姑姊妹之長殤中殤昆弟之長殤中

殤夫之昆弟之子女子子之長殤中殤適孫之長殤中
殤大夫之庶子爲適昆弟之長殤中殤公爲適子之長
殤中殤大夫爲適子之長殤中殤注公君也諸侯大夫
不降適殤者重適也天子亦如之

疏自此盡大夫庶子爲適昆弟之長殤中殤皆是成
人齊衰期長殤中殤殤降一等

校勘記曰殤降
要義無殤字

在功

故於此總見之又皆尊卑爲前後次第作文也云公
爲適子大夫爲適子皆是正統成人斬衰今爲殤死
不得著代故入大功特言適子者天子諸侯於庶子
則絕而無服大夫於庶子降一等故於此不言惟言

適子也若然二適在下者亦爲重出其文故也 注

云公君也者直言公恐是公士之公及三公與孤皆號公故訓爲君見是五等之君故言諸侯言天子亦如之者以其天子與諸侯同絕宗故也

盛氏世佐曰祖爲適孫之長殤大夫已上同凡言適孫皆無適子者

胡氏培翬曰大夫之庶子爲適昆弟本服期與適子爲庶昆弟庶昆弟相爲異

通典馬融曰公謂諸侯也重嫡也大夫亦重嫡故皆不降服大功也

晉書禮志惠帝太安元年三月皇太孫尙薨有司奏御服齊衰期詔下通議散騎常侍謝衡以爲諸侯之太子誓與未誓尊卑體殊喪服云爲適子長殤謂未誓也已誓則不殤也中書令卞粹曰太子始生故已尊重不待命誓若衡議已誓不殤則元服之子當斬衰三年未誓而殤則雖十九當大功九月誓與不誓其爲升降也微斬衰與大功其爲輕重也遠而今注云諸侯不降適殤重嫌於無服以大功爲重嫡之服則雖誓無復有三年之理明矣男能衛社稷女能奉婦道以可成之年而有已成之事故可無殤非孩胤

之謂也爲殤後者尊之如父猶無所加而止殤服況以天子之尊而爲無服之殤行成人之制耶凡諸宜重之殤皆士大夫不加服而令至尊獨居其重未之前聞也博士蔡克同粹祕書監摯虞云太子初生舉以成人之禮則殤理太孫亦體君傳重由位成而服全非以年也天子無服殤之義絕期故也於是從之

徐氏乾學曰案祭法明云王下祭殤五鄭康成曰諸侯大夫不降適殤天子亦如之摯虞說謬矣

通典爲太子太孫殤服議晉惠帝無嫡子以庶子爲太子亡謂應降永甯中冲太孫亡議者謂應爲殤中書侍郎高齊議太孫自是無服之殤不應制服此禮

之明義宜從以日易月之制博士蔡克議以爲臣子
不殤君父者此謂臣子尊其君父不敢殤之耳非爲
有臣子便爲成人不服殤也按漢平帝年十四而崩
羣臣奏臣不殤君宜加元服後漢許慎鄭元論立廟
亦唯謂臣子不上殤耳又長子自以正體於上不以
命誓也又命庶孫四孫則誓之讀禮通考引作今古
嫡子何獨十九不誓喪服君爲嫡子長殤大功鄭元
曰天子亦如之所言臣不殤君者自謂如太孫等之
臣不殤耳太子唯尊於東宮東宮臣不殤之耳今太
孫未冠婚四歲而薨綴成人之禮於太廟愚謂不可

愍懷若在大孫當依庶殤不祭

錫恭案蔡克之論正矣惟云臣不殤君者

自謂如太孫等之臣不殤耳太子唯尊於東宮東宮

臣不殤之耳竊疑此亦非周公制禮也古者太子無

臣其為太子屬者猶今君之臣也周官諸子職掌國

子之倅大鄭云國子卿大夫士之子也鄭君增成其

義謂是公卿大夫士之副貳諸子職又云國有大事

則帥國子而致於太子惟所用之鄭君注云國子屬

太子是卿大夫士之適子為副貳者為太子屬也而

服問云大夫之適子為太子如士服士為太子從君

服期則大夫之適子如之者亦從君服期不服斬而

服期明未為太子臣也服問言如士服者先云為君

則大夫之適子為君服斬明尚為今君臣也國子屬

太子而尚為今君臣未為太子臣安得謂東宮有臣

乎孔子曰家無二主臣庶之家且然況天子諸侯

乎太子無臣家無二主之義也太孫視太子矣

凌氏曙曰讀禮通考徐乾學按三殤之制為常人設

爾豈有既立為太孫而可以殤論乎謝衡謂已誓不

殤是已卞粹所駁已舊未舊之論大謬不然蓋未舊則猶然庶孫爾天子豈有服庶孫之理若夫既誓則將代已爲宗廟主雖無服之殤禮當與成人同可不爲之制服乎卽就太孫尙而論其前有太孫臧矣尙原非適孫故必待既誓錫恭案原脫其前至既誓十七字適當讀禮通考案語之一行蓋傳鈔始得爲正統之適而行期年之服謝衡者誤脫今補之言深爲知禮卞粹高齊蔡克紛紛之論何爲者乎論曰徐氏謂三殤之制爲常人而設豈有既爲太孫而可以殤論乎案喪服傳公爲嫡子之長殤注公君也諸侯大夫不降嫡殤者重嫡也天子亦如之然則

天子諸侯大夫之嫡子不得謂之常人矣而何以在
殤大功章也太孫不可以殤論諸侯大夫無論矣而
天子之嫡子反可以殤論何也卞粹謂太子始生故
已尊重不待命誓其論甚正而徐非之全無禮據矣
又云旣誓則將代已爲宗廟主雖無服之殤禮當與
成人同然則天子之嫡子正體於上又將所以傳重
也亦皆有代主宗廟之事其死也何以服制仍歸三
殤不聞其與成人同也又云尙原非嫡孫必待旣誓
始得爲正統之嫡而行期年之服考之殤服無在齊
衰期者不知徐何據而云然也

錫恭案徐氏謂爲嫡
孫期年耳非指殤服

也然徐至於既誓始爲正統之嫡尤爲不經賈公彥
說自誤云傳重非正體庶孫爲後是也此例不明尙妄發橫
議何也卞又云況以天子之尊而爲無服之殤行成
人之制耶尋求卞義真知其不可耳而徐乃以爲不
然與謝衡可謂同途而共謬者矣

通典王侯世子殤服議晉有問者曰某國中尉虞某
按本論無國訪太常王冀云臺贈國王第二郎年在
名亦無虞名殤爲世子臣當有服不冀云禮無從君服殤之文夫

臣從君而服以其體尊承緒非繼成人與殤也

錫恭案繼

字誤或云本作計音近致誤苟爲代嫡君爲之服則臣以何而不

從服乎若以禮無文者亦可不服長子之下殤也宋
庾蔚之謂臣以義服故所從極於三年經舉重服必
從則輕不從可知也若從服世子之殤亦可從服嫡
婦豈其然乎唯小君非從故與君同

其長殤皆九月纓經其中殤七月不纓經注經有纓者
爲其重也自大功已上經有纓以一條繩爲之小功已
下經無纓也

釋文爲其于僞反

疏經之有纓所以固經猶如冠之有纓以固冠亦結
於頤下也錫恭案注云以一條繩爲之五服之正無
則不得結於頤下此句恐誤

七月之服唯此大功中殤有之故禮記云九月七月之喪三時是也云經有纓者爲其重也者以經云九月纓經七月不纓經故知經有纓爲其情重故也自大功已上經有纓此鄭廣解五服有纓無纓之事但諸文惟有冠纓不見經有纓之文鄭檢此經長殤有纓法則知成人大功已上經有纓明矣鄭知一條繩爲之者見斬衰冠繩纓通屈一條繩屈之武校勘記曰肅氏本作屬之於武單疏垂下爲校勘記曰單疏本無纓本屈字蓋屬字之誤字似脫肅氏通解俱有故知此經之纓亦通屈一條屬之經垂下爲纓可知小功已下經無纓也者亦以此經中殤七月經無纓

明小功五月已下經無纓可知

通典王肅曰大功已上以纁爲經之纓也

又陳詮曰長中殤惟以經有纓無纓爲異耳

錫恭案此但言

此章之服之異耳此章所異者又有九月七月之期而他章之中從下者異者尤多

朱子曰經有纓者以其加於冠外故須著纓方不脫落也

吳氏紱曰經以有纓無纓爲重服輕服之別非藉以固經也若云固經則無纓者其謂之何

錫恭案注云經有纓者爲其重也賈疏又有固經之說朱子取之吳氏紱非之余初疑經大者加冠

上難於熨貼故必以纓固之經小者加冠上易於
熨貼不必以纓固之是疏云固經卽申注云重之
意也旣而思之殊不然此章之長殤中殤同爲大
功之經其大同比齊衰之帶乃一有纓而一無纓
則可知經之有纓非因經大而藉於固也吳氏紱
說似得之矣但經纓之制他文無徵兩存其說以
俟再考

敖繼公曰纓經止於大功九月故此七月者雖大
功而不纓經所以見其差輕也此經雖不纓猶以
麻之有本者爲之以其爲大功之服也錫恭案此

說未嘗不是然其以纓爲經之散垂則釋纓誼先
謬而其說纓不纓皆敖氏意中之纓不纓而非經
注之纓不纓也雖欲節取其如纓誼先謬何

盛氏世佐 分纓經爲二以纓爲冠纓以經爲要
經其謬尤甚夫纓以固冠而經也者實也爲中殤
無纓則何以固冠爲中殤無經則何以識忠實之
心耶此尤不可通也

喪服鄭氏學卷十

婁縣張錫恭纂述

吳興劉承幹參校

大功布衰裳牡麻經纓布帶三月受以小功衰卽葛九月者注受猶承也

傳曰大功布九升小功布十一升注此受之下也以發傳者明受盡於此也又受麻經以葛經閒傳曰大功之葛與小功之麻同凡天子諸侯卿大夫旣虞士卒哭而受服正言三月者天子諸侯無大功主於大夫士也此雖有君爲姑姊妹女子子嫁於國君者非內喪也

自凡天子

諸侯至此五十四字依士禮居傲宋嚴州本在此他本
在受猶承也下盧氏詳校據之曰宋本在下注之下文
弼細審當以此者為是宋本不可從阮氏校勘記從
宋本曰按此亦可為傳注連寫之證鄭於經下注云受
猶承也即載傳而釋之曰此受之下也經注與傳注一
氣相承以下或釋經或釋傳皆發明受服之義此注之
變例不必與他節同也 古文依此禮也 曹氏元弼校曰
錫恭按阮氏說是也 言非內喪故亦依三月 古文當為故亦
受服之禮也玩疏自明

疏此大功成人章輕於前殤章既略

曹氏元弼校曰既略上脫殤章

二於此具言

傳

云大功布九升小功布十一升

者此章有降有正有義降則衰七升冠十升正則衰
八升冠亦十升義則衰九升冠十一升十升者降小
功十一升者正小功傳以受服

曹氏元弼校曰以似當為於

不言

降大功與正大功直言義大功之受者鄭云此受之

下正據受之下發傳者明受盡於此義服大功以其

大功至葬

陽城張氏重刊本作小功至葬校勘記曰單疏誤大

惟有變麻服葛

因故衰無受服之法故傳據義大功而言也云又受

麻經以葛經者言受衰麻俱受而傳唯發衰不言受

麻以葛故鄭解之云又受麻以葛經引閒傳者證經

大功既葬其麻經受以小功葛者

曹氏元獨校曰小功二字衍

以

其大功既葬變麻爲葛五分去一大小與小功初死

同即閒傳云大功之葛小功之麻同一也

曹氏元獨校曰小上

脫與字

故引之爲證耳云凡天子諸侯卿大夫既虞士

卒哭而受服者以於斬章釋訖曹氏元弼校言此者

欲見天子七月而葬諸侯五月而葬虞而受服若然

經正三月者

校勘記曰單疏本正下無言字通解以楊氏俱有曹氏元弼校曰有言字是

其天子諸侯絕旁墓無此大功喪以此而言經言三

月者主於大夫士三月葬者若然大夫除死月數亦

得爲三月也云此雖有君爲姑姊妹女子子嫁於國

君者非內喪也者彼國自以五月葬後服

盛氏世佐曰後下疑

脫字此諸侯爲之自以三月受服同於大夫士故云

主於大夫士也

孔氏穎達開傳正義曰少儀云婦人葛經而麻帶又

上檀弓云婦人不葛帶謂齊斬之婦人也故士虞禮

云婦人既練

錫恭按此非練而去經也練字誤當云既卒哭

說首經不說帶

也注云不脫帶齊斬婦人帶不變也婦人少變而重帶帶下體之上也其大功以下婦人亦葛帶也故喪服大功章男女並陳及其變服三月受以小功衰卽葛九月是男女共爲卽知大功婦人亦受葛也

李氏如圭曰此章衰裳三等降服七升正服八升冠皆十升義服九升冠十一升三月既葬各以其冠爲受十升十一升者小功之布故曰受以小功衰也下記曰大功八升若九升小功十升若十一升記此受

服之差也纓經者

錫恭按此經字衍文

經有纓也大功九月以

上經有纓故於此著之卽就也

傳據義服大功而

言也義服大功衰九升受以小功衰十一升服之有

受者止於此小功以下無受也

錫恭按此言衰裳故云然若經則小功亦

受以葛經也

凡爲天子諸侯必以重服服之嫁於國君者

彼國雖以五月葬此國自以三月受服

敖氏繼公曰章內有君爲姑姊妹女子子嫁於國君者而服間又言君主適婦之喪是諸侯雖無大功而於其尊同者若所不可得而絕者亦服此服也其姑姊妹女子子之嫁於國君者爲外喪君之受服固不

視其卒哭之節適婦雖內喪而其禮則比於命婦但三月而葬故君亦惟三月而受服也敖氏又云婦人葛帶耳小功亦然檀弓曰婦人不葛帶錫恭按此又與鄭君立異也士虞記注云齊斬婦人帶不變大功小功者葛帶此大功小功婦人葛帶之明文也敖於此大功云不葛帶而又云小功亦然明明與士虞記注相反也關傳孔疏足以正之

張氏爾岐曰大功有降有正有義降則衰七升冠十升正則衰八升冠亦十升義則衰九升冠十一升卒哭後各以其冠爲受或受十升或受十一升受十升者降小功之布受十一升者正小功之布也今傳曰大功布九升小功布十一升據義服大功而言故注

云受之下也自此而下小功葬後惟有變麻服葛因故衰更無受服之法故又云明受盡於此也受麻經以葛經解經文卽葛引閒傳者以證大功葛經大小之制也

錫恭按此章冠與屨制經傳注疏皆未言然細爲稽求固已明言之也傳曰齊衰大功冠其受也而大功之受卽小功之衰記又明著之云小功十升若十一升是冠之升數降服正服十升義服十一升不啻明言之也又斬衰章注引雜記曰喪冠條屬以別吉凶三年之練冠亦條屬右縫小功以下

左縫夫云以別吉凶則非吉冠皆條屬而大功之冠條屬可知也云小功以下左縫則大功猶右縫可知也是冠之條屬右縫不啻明言之也又總麻章注引雜記曰總冠纁纁攷雜記注纁當爲澡麻帶紕之澡謂有事其布以爲纁夫疏衰之冠已云布纁至總方有事其布則疏衰以下小功以上皆布纁而無事其布矣而大功之冠之纁可知也是冠纁又不啻明言之也至於屨制則齊衰三月章注引小記曰齊衰三月與大功同者繩屨則大功之爲繩屨蚤已明言之矣據此以觀冠屨之制稽

之本經傳注無不有明徵也惟受冠未見明徵容

再稽求

吳氏廷華
說似未確

姑姊妹女子子適人者傳曰何以大功也出也注出必
降之者蓋有受我而厚之者

疏此等並是本葬出降大功故次在此 傳 問之

者以本葬今大功故發問也 注 案檀弓云姑姊

妹之薄也蓋有受我而厚之者也鄭取以爲說若然
女子子出降亦同受我而厚之皆是於彼厚夫自爲
之禫杖葭故於此薄爲之大功

李氏如圭曰雜記曰伯母叔母疏衰踊不絕地姑姊

妹之大功踊絕於地若知此者由文矣哉絕地離地也伯叔母義也姑姊妹骨肉也姑姊妹雖已出降其情猶不殺也

錫恭按出而降常道也然姑與父一體者也姊妹上與父一體而下與己一體者也女子子與己一體者也宜雖出而不降而猶必降之者以有受我而厚之者也出而降宗族之女所共也有受我而厚之者而降此四人所獨也有受我而厚之故降無受我而厚之斯不降矣不杖麻屨章爲適人無主者亦惟此四人是無厚之者而不降之驗也傳

惟言出而注益以無受我而厚之者以此

敖繼公曰不杖期章不特著此親在室者之服蓋以此條見之蓋經之例然也其他不見者倣此錫恭按此亦與鄭君立異也鄭君之意姑在室與世父叔父同姊妹在室與昆弟同女子子在室包於眾子中故此親在室者經不特著之也惟其然經著昆弟之子而昆弟之女子子包於其中矣若如敖說則昆弟之女子子既不著於不杖期章又不著於大功章此何故耶若別有說以處之安得謂經之例然耶敖說易破無待環攻也

從父昆弟注世父叔父之子也其姊妹在室亦如之

疏昆弟親爲之葭

曹氏元弼曰親字當在昆弟上錫恭按但言昆弟則同父昆弟可知

疏意同父昆弟相親近故爲之葭也此從父昆弟降一等故次姑姊妹

之下云其姊妹在室亦如之者義當然也謂之從父

昆弟世叔父與祖爲一體又與己父爲一體緣親以

致服故云從也降於親兄弟一等是其常故不傳問

曹氏元弼曰不傳二字當倒

李氏如圭曰世父叔父從父而別故謂其子爲從父

昆弟

胡氏培翬曰爾雅兄之子弟之子相謂爲從父昆弟

郭注從父而別案鄭云世父叔父之子也者正謂其從父而別也此自己身言也爾雅兄之子弟之子自父身言也

通典御史中丞裴祗兄弟等乞絕從弟僕曹郎昉喪

服表

讀禮通考引昉作耽下同

昉受性凶頑往因品署未了怨恨

親親言語悖逆讐絕骨肉其兄司空秀二息從纂親以下薨亡昉皆不制服發哀昔二叔放流鄭段不弟

皆經典所絕昉應見流徙未及表聞之頃昉憂患荒

越遂成狂病前卽檻閉令以喪亡

讀禮通考引令作今

罪匿彰

聞

讀禮通考引匿作隱

穢辱宗冑昉見周親以下皆宜絕服葬

不列墓次請處斷戶曹屬韓壽議云祇表稱二叔放
流鄭段不弟大義滅親至公之道然猶作鷦鷯之詩
成王封其子胡于蔡明王篤愛親親無已之意也今
眈眞由病喪神

讀禮通考引眞作直

故有悖言非管蔡鄭段之

元惡而祇等心棄引致不加痛傷於禮不喪於情不
安東閣祭酒李彝議昔公孫敖爲亂而亡襄仲猶帥
兄弟而哭不廢親愛春秋所善也眈狂疾積年亡歿
之後追論往意絕不爲服竊所未安主簿劉維議以
爲先王制禮因情而興五服之義以恩爲主是以明
親親之分正恩紀屬恩崇則制重意殺則禮降昔周

公誅管蔡鄭伯克叔段皆正以王法絕不爲親眚
頑悖戾背義忘親存無歡接之恩絕無禮服之制循
名責實不服當矣宜如祇所上記室督田岳譏以爲
五服之制本乎親屬故賢不加崇愚不降禮昔公孫
敖旣納襄仲之妻又以幣奔莒至其卒也仲欲勿哭
傳曰喪親之終也情雖不同無絕其愛親親之道也
叛君爲逆納弟妻爲亂亂逆之罪猶不廢喪故肩子
啟明而唐堯不絕象之傲恨有虞加矜周公戮弟義
先王室鄭伯滅段傳不全與議者稱此皆非所據又
諸侯絕周公族爲戮然猶私喪之也

私喪猶喪禮大言心喪

制動爲典式與其必疑寧居於重學官令徐直議曰
昔關伯實沈親尋干戈而遷於商夏朱象頑傲凶國
害家然唐無絕姓之文虞有封鼻之厚斯以重天姓
篤所承也讀禮通考引姓作性周公刑叔罪在黨協祿父欲周
之亡蓋爲王室耳非以流言毀公爲戮也召公猶懼
天下未解特使兄弟之義薄乃作棠棣之詩以示恩
親也眈以凶愚命卒骨肉所哀夫行過乎仁喪過乎
哀未宜絕也宋庾蔚之謂夫聖人設教莫不敦風尚
俗睦親糾宗者也每抑其侈薄之路深仁悌之誨公
族有罪素服不舉恩無絕也若凶悖陷害則應臨事

議其罪豈但不服而已裴昞以狂病致卒無罪可論

田岳之議足爲允也

錫恭按裴祇所論者從弟故附錄於此

梁書袁昂傳昂丁內憂服未除而從兄象卒昂幼孤爲象所養乃制期服人有怪而問之者昂致書以喻之曰竊聞禮由恩斷服以情申小功他邦加制一等同爨有緦明之典籍孤子夙以不天幼傾乾廡資敬未奉過庭莫承藐藐冲人未達朱紫從兄提養訓教示以義方每假其談一頃虛其聲譽得及人次實亦有由兼開拓房宇處以二曠同財共有恣其取足爾來三十餘年憐愛之至三異於己姊妹孤姪成就一時

篤念之深在終彌圖此恩此愛畢壤不追旣情若同
生而服爲諸從言心卽事實未忍安昔馬校與弟毅
同居毅亡校爲心服三年錫恭按爲弟三年益不可訓由也之不
除喪亦緣情而致制錫恭按此事雖識不及古誠懷夫子所不許
感慕常願千秋之後從服期齊不圖門衰禍集一旦
草土殘息復罹今酷尋惟懣懣彌劇彌深今以餘喘
欲遂素志庶寄其罔慕之痛少申無已之情雖禮無
明據而事有先例率迷而至必欲行之君問禮所歸
謹以諮白臨楮號哽言不識次

錫恭按大功同產之誼漸卽陵夷而彖遂成希世

之行昂故感激加服也然不免爲賢者過之也先
王制禮不及知父母與兄弟居加一等兄弟者小
功以下之親也小功以下加一等則大功以上不
加也大功同財其相生相養固其宜也

爲人後者爲其昆弟傳曰何以大功也爲人後者降其
昆弟也

疏在此者以其小宗之後大宗欲使厚於大宗之親
故抑之在從父昆弟之下 傳 案下記云爲人後
者於兄弟降一等故大功也若然於本宗餘親皆降
一等也

錫恭按兄弟非昆弟也疏
誤引當引上傳降其小宗

通典馬融曰昆弟在周而降之以所後爲親也

敖氏繼公曰其姊妹在室亦如之

錫恭按此於注義甚合而與敖氏自

爲之例以攻注者不同
可見敖氏曾無定見也

盛氏世佐曰不云報者於不杖期章爲人後者爲其
父母已言之矣故此略之

曹氏元弼曰前不杖期章爲人後者爲其父母在適
孫下此爲其昆弟在庶孫上者以承從父昆弟之文
遂連言昆弟耳又前爲人後者爲其父母下卽繼以
女子子適人者爲其父母同出降故相次也此爲其
昆弟下隔庶孫適婦二條始及女子子適人者爲眾

昆弟者以此女子以下三條連言女服不可退庶
孫二服廁其間也不言報者胡氏云以前爲其父母
言報則此亦報可知也爾案昆弟當報以大功而先
服齊衰三月也又案小功章云爲人後者爲其姊妹
適人者則其在室者與昆弟同大功亦可知期章昆
弟注云爲姊妹在室亦加之是其例 又曰傳意謂
出後大宗故降其小宗兄弟昆弟金氏所謂父已下
本親一爲人後卽無不降其服者亦小宗降服之有
定者也賈氏云於本宗餘親皆降一等也此推言後
於祖若曾高若遠祖之爲大宗者不但降其父以下

有定者又降其高若曾若祖以下之親之服以足經
未言之指也胡氏非之誤辨見小功章爲人後者爲
其姊妹適人者下

讀禮通考俞汝言爲人後者爲其伯叔父母服議案
禮爲人後者爲其本生服降一等其伯叔父母宜何
服許子大辛曰服小功禮爲伯叔父母齊衰期年從
伯叔父母小功五月齊衰降則小功也俞子曰禮無
明文義有比附爲叔父之長殤大功九月中殤大功
七月出嫁女爲伯叔父母大功九月爲人後者比於
嫁女爲伯叔父母降一等比於叔父之長殤不亦可

乎若曰小功是降二等矣許子又曰如伯叔無大功之服何曰豈惟伯叔爲其父豈有齊衰期年之服乎哉伯叔無服大功者正也服大功者降也且降服之制重於正服禮無明文而從其重者庶有合乎故爲本生伯叔父母服宜大功九月

庶孫注男女皆是下殤小功章曰爲姪庶孫丈夫婦人同

疏卑於昆弟故次之庶孫從父而服祖尋故祖從子而服孫大功降一等亦是其常故傳亦不問也注云男女皆是者女孫在室與男孫同其義然也引

殤小功者欲見彼殤旣男女同證此成人同不異也

通典陳註曰自非嫡孫一人皆爲庶孫也錫恭按陳氏說爲無

嫡子者言若有嫡子者并無嫡孫一人皆庶孫也

郝氏敬曰庶孫謂眾孫異於無父繼祖之適孫也

錫恭按此與下爲適婦大功其例各不同孫爲祖

本服大功加隆焉而期祖以正尊加尊降其本服

一等而不忍降其加隆故仍爲之大功婦爲舅姑

本服大功從夫而加隆故期舅姑以尊則足加尊

以親則異子孫故并降二等爲庶婦小功其適婦

則重其適但降其加隆而不降其本服故亦爲之

大功是其例適相反也

適婦注適婦適子之妻

傳曰何以大功也不降其適也注婦言適者從夫名

疏疏於孫故次之其婦從夫而服其舅姑期其舅姑
從子而服其婦大功降一等者也 傳 此傳問者

以其適庶之子其妻等是婦而爲庶婦小功特爲適
婦服大功故發問也答不降其適故也若然父母爲

適長三年今爲適婦不降一等服期者長子本爲正

體於上故加至三年婦直是適子之妻無正體之義

故直加於庶婦一等大功而已

錫恭按婦爲舅姑本服大功齊衰期者從

夫而加隆者也以適婦與長子並論則長子者正體而適婦者正而不體者也故降其加隆之服而不降其本服也疏意蓋如是又按自此以下單疏皆國從陽城張氏敦仁刊本錄疏張氏序云自卅二至卅七損失六卷校以魏鶴山要義而循其次第者魏所用卽景德本也

通典馬融曰重嫡故不降之爲服也

又陳詮曰婦爲舅姑服周舅姑爲婦宜服大功而庶婦小功者以尊降之也此爲婦大功故傳釋不降

周官司服賈疏曰天子諸侯絕旁期正統之期猶不

降故兼云齊衰

司服凡凶事服弁服注服弁喪冠也其服斬衰齊衰

其正服大

功亦似不降也大功章曰適婦注云適子之婦傳曰何以大功也不降其適也旣無所指斥明關之天子

諸侯也又服間云君所主夫人妻大子嫡婦旣言君所主服不降也如是則爲嫡孫之婦又當小功

李氏如圭曰婦人從服夫黨之尊者降於夫一等所爲服者亦降其夫一等報之婦爲舅姑期舅姑宜爲之大功又以正尊降之小功惟適婦則不降小記曰

適婦不爲舅後者則姑爲之小功

小記注曰凡父母於子舅姑於婦將

不傳重於適及將所傳重者非適服之皆如庶子庶婦也

郝氏敬曰子爲父後故父爲其婦大功雖大夫不降適也

胡氏培壘曰注以適庶之名本由子起今婦亦言適

者以其夫爲適子則妻亦爲適婦故云從夫名也

錫恭曩在禮學館纂修禮芻議其論婦服篇曰凡婦人爲夫族之服夫族爲來婦之服其術有三曰從服也曰名服也曰尊尊也何以言之婦者從夫者也夫爲族屬之服至親以期斷而父母之德昊天罔極必加隆焉而后卽乎人心之安故爲父斬衰三年爲母齊衰三年婦從夫而降一等故婦爲舅姑齊衰不杖期

其齊衰三年齊衰杖期爲正統至親之服故婦爲舅姑孫爲祖

父母皆不得服

由至親期斷而上殺之爲祖父母當九月

而以其與父一體亦必加隆而后卽乎人心之安

故爲祖父母齊衰不杖期婦從夫而降一等故爲夫之祖父母大功鄭君喪服注論高祖曾祖皆有小功之差則曾孫元孫爲之服同以尊尊而重其衰麻以恩殺而減其日月故爲之齊衰三月而其妻則以夫正服小功從而降一等爲之總麻此婦人爲夫族正統之服皆以從服制者也喪服傳曰旁尊也不足以加尊焉故報之也然則正尊足以加尊當降之矣試由至親期斷推之則父母期而舅姑大功必加隆而后得其正故父母三年而舅姑期夫父母舅姑皆正尊也然子親而婦疏故爲

子降其本服而不忍降其加隆則不杖期爲長子三年則

并不降其本服也爲婦降其本服并降其加隆則當小功

小功章庶婦是也而適婦以重適之故不降其本服仍爲大功祖父母亦正尊也其以正尊降孫與孫婦之術猶子與子婦也故爲孫大功而孫婦總麻庶孫之婦在總麻章以此也而適孫婦亦以重適之故不降其本服而爲之小功夫之曾祖父母婦從服總麻而曾孫婦無服則亦以正尊降之也此夫族正統爲來婦之服皆以尊尊之術制者也世母叔母諸祖母族曾祖母我以其有母之名而

服之彼亦自以母之名而報之此服之全以名制者也從子之婦從孫之婦以其有婦之名而從夫服我不挾其旁尊而報如夫服此服之參用名服從服而全無與於尊尊者也凡上所陳皆先王精意豈可輕言改易哉後唐諸臣不知此也改婦爲舅姑爲新齊三年宋魏仁浦從而和之其言曰豈可夫在苦塊之中婦被綺紈之飾又曰夫三年而舅姑期是尊夫而卑舅姑試以爲父母爲祖父母例之孫期而除其父豈不在墜室之中乎何不嫌於被綺紈之飾乎祖父母期父母三年何不議其

尊父母而卑祖父母乎庸陋之語不足辨也若貞
觀改舅姑爲婦之服議之者乃顏籀也其言曰猶
子之婦並服大功己子之妻反有減降以類而言
未爲允協抑知彼以旁尊而不降此以正尊而降
之乎如之何可類言也至明初之改制益不必論
矣夫顏氏非不知服術者也而猶屈於太宗況乎
明初諸儒抱無師法之學以仕於暴人之朝其曲
學阿世無足怪也此百世而下所由歎魯兩生爲
不可及也

女子子適人者爲眾昆弟注父在則同父沒乃爲父後

者服期也

疏前云姑姊妹女子子出適在章首者情重故至此

女子子反爲昆弟在此者抑之欲使厚於夫氏故次

在此也

錫恭按此係專屬女子子故次在此疏謂抑之欲使厚於夫氏則此在爲夫族服之前未

見所抑又奚自使厚哉殆傳會之詞也

爲本親降一等是其常故無傳

也 注 云父沒乃爲父後者服期也者不杖章所

云是也

通典馬融曰適人降其昆弟故大功也

又陳詮曰此言昆弟非父後者也

錫恭按昆弟爲父後者惟父沒乃有

之父在則本無爲父後者皆眾昆弟也父沒則別於爲父後者爲眾昆弟也與注義同

敖氏繼公曰昆弟云眾對爲父後者立文也是亦主

言父沒者之禮矣

錫恭按主言對餘意主言父沒者則父在者其餘意也此就注義而

別其孰爲主言孰爲餘意非破注也

胡氏培鞏曰此下言婦人之服故次於此

錫恭按此足正賈疏

誤之

曹氏元弼曰云父在則同父沒乃爲父後者服期也

者盛氏戴氏謂今本爲下脫一爲字胡氏是之鄭按

此鄭君通合此經與不杖期章女子子適人者爲其

昆弟之爲父後者爲一也知父在則同者父在而歸

宗仍從父耳已不必以昆弟爲宗昆弟亦不得爲己

之宗適昆弟與眾昆弟誼同則同爲眾昆弟服大功
耳若父沒則爲父後者典宗事已無父可從歸當依
之誼與眾昆弟殊絕故爲之期也傳以小宗釋爲父
後者明爲父後者代父爲宗父已先沒也此爲後與
略異他處爲後猶爲嗣兼父存沒言
此爲後是代父爲宗專據父沒言父沒而後有爲

父後者則父沒而後有爲爲父後者之期服明矣而
父在未爲後之適昆弟同爲眾昆弟當大功益明矣
女子子適人者父在爲眾昆弟大功猶凡人之爲昆
弟期也注義如此後人乃疑之盛氏云此與大夫之
庶子爲適昆弟期同是應降而不降不必父沒乃爲

之服期胡氏云此云眾昆弟明對爲父後者言之猶
眾子對長子言也昆弟之爲父後者在期章眾昆弟
在此章經已分別明晰似不必以父在父沒爲言盛
說可從弼案此不然也此條與大夫之庶子爲適昆
弟其應降不降同其所以應降不降者則大不同彼
專據父在此專據父沒彼傳曰父之所不降子亦不
敢降也明已非獨厚於適昆弟因父降庶不降適故
已於適亦不敢降是應降不降之義出於父義出於
父則父沒庶昆弟得伸與適同皆不降無所謂應降
也此傳曰婦人雖在外必有歸宗曰小宗故服期也

明己非獨厚於爲父後者以爲父後者代父主宗事
己歸當以爲宗故不敢降是應降不降之義出於己
義出於己則父在父自主宗事已宗父不宗昆弟於
未爲父後之適昆弟與眾昆弟同皆應降無容或不
降也傳言爲小宗故服期是宗之故爲之期服繫於
宗也子爲小宗則父未沒不爲小宗可知若宗子不
孤則禮仍與未爲宗子之適子同爲大宗者族人不
得爲之齊衰三月爲小宗者姊妹亦不得爲之期也
春秋之義譏父老子代從政安有明明父在而宗兄
不從父者乎然則昆弟當降大功而爲父後者獨爲

之服期不降定在父沒之後無疑矣至於胡氏謂此
言眾昆弟明對爲父後者言之固也然眾昆弟中有
不爲父後者有未爲父後者不爲父後者可對爲父
後者言未爲父後者亦可對爲父後者言必爲父後
而後別於眾昆弟則未爲後之同於眾昆弟無疑也
爲父後者與眾昆弟非長子與眾子比也長子之分
定於始生之時眾子中初無其人爲父後之事任於
父沒之後眾昆弟中自當先有其人亦猶長孫父在
者同在庶孫中不得豫別爲適孫也胡氏謂爲父後
者在期章眾昆弟在此章經已分別明晰注不必以

父在父沒爲言則豈不得謂適孫在期章庶孫在此章經已分別明晰傳不必以有適子無適子爲言乎試以兩經兩傳對勘彼上經曰適孫傳曰有適子者無適孫則知適孫之名專目孫之無父者而有適子者之長孫同爲大功章之庶孫也此上經曰女子子適人者爲其昆弟之爲父後者傳曰必有歸宗曰小宗則知爲父後者之名專目代父爲宗者而父在時之適昆弟同爲大功章之庶昆弟也注據傳釋經故知服期必在父沒後胡氏從盛失之矣

姪丈夫婦人報注爲姪男女服同

傳曰姪者何也謂吾姑者吾謂之姪

音義姪大結反字林丈一反

疏姪卑於昆弟故次之不言男子女子而言丈夫婦人者姑與姪在室出嫁同以姪女言婦人見嫁出因此謂姪男爲丈夫亦見長大之稱是以鄭還以男女解之 傳 云謂吾姑者吾謂之姪者名唯對姑生稱錫恭按名上通解有姪之二字若對世叔唯得言昆弟之子不得姪名也

通典馬融曰嫁姑爲嫁姪服也俱出也

錫恭按馬氏此條爲經中

報字作解也何以言之爲姑適人者上經已言之則丈夫姪不必言報也女子子在室與男子同則婦人

姪之在室者其爲姑已在上經中亦不必言報也惟兩出不再降義非特著不明經故特設報文而馬氏因嫁姑爲嫁姪以明嫁姪爲嫁姑而以俱出釋之見經中報字專爲嫁姪立文也惟設辭既簡而又執見於他書稱引遂令讀者疑不能明如云不然經中明有丈夫何以專言嫁姪馬氏決不憤憤若斯也然則此經報字專屬諸嫁姪乎是又不然惟嫁姪不可不言報而丈夫姪及婦人姪之在室何妨共此報文也原作文之初固爲嫁姪而設逮成文之後遂爲凡姪所共此又修辭者自然之勢也

通典父叔兩留服無降周事無所報故謂之兄弟之子而不別制焉姨母兩出服加小功情無出內故爲姊妹之子而名不章焉言丈夫婦人以明男女皆同也姪服旣明甥服兼女可知矣故於甥不服錫恭按服當作復音近云丈夫婦人也錫恭按通典於喪服惟鄭君而誤也注不著氏與名餘人皆著氏

與名此既非鄭注而又不著
式與名疑君卿自爲之說

李氏如圭曰姪者嫁姑謂其昆弟之子女女子也言
婦人者明已嫁者與在室之服同下經大夫之妻爲
姑姊妹嫁於大夫者大功爲人後者爲其姊妹適人
者小功則以出降者兩皆出亦止降一等

閻氏若璩曰汪氏琬與予論禮服京師不合頗聞其
盛氣近且合刊正續類彙悉改而從我其中儀禮說
有可喜者曰凡父黨之尊者由父推之皆父之屬也
世父叔父是也錫恭按叔父下有從祖祖父四字以
其爲祖父之行與此未甚切合刪之
至父之姊妹則不可謂之父不可謂之父其可謂之

母乎二者皆不可以名故聖人更名曰姑爾雅謂我
姑者吾謂之姪蓋姑亦不敢以昆弟之子爲子也凡
母黨之尊者由母推之則皆母之屬也從母是也至
母之昆弟則不可謂之母不可謂之母其可謂之父
乎二者皆不可以名故聖人更名曰舅爾雅謂我舅
者吾謂之甥蓋舅亦不敢以姊妹之子爲子也此先
王制名之微意也予謂爾雅僅有謂我舅者吾謂之
甥一語若二語並列卽出子夏傳文汪氏小誤
褚氏寅亮曰姑與姪不以兩出而再降姊妹同

胡氏培翬曰盛氏云此與上節經文宜合爲一節言

女子子適人者爲此四等之親服而此四等之親亦以是服報之也丈夫男昆弟及姪也婦人女昆弟及姪女也此等皆期親降在大功今案此姪丈夫婦人本蒙上女子子適人者爲之文謂皆適人者爲之其說是矣但眾昆弟對爲父後者言姪兼姪女言不得合爲一條盛氏謂丈夫婦人兼承昆弟姪言程氏瑤田說亦同不知姊妹相爲之服已包於章首條內喪服經傳於男則曰昆弟於女則曰姊妹截然分明無女昆弟之稱盛氏捏造牽合斷不可從

鄭氏珍曰此自是一條明姪與姑相爲之服徐氏乾

學謂據馬融陳詮注此當與上文女子子適人者爲
眾昆弟合爲一條今本乃康成所更致文義不接且
報字連上昆弟言不專屬姪非也經例凡於此人下
言報者卽不出彼人本章首條姊妹適人者已見眾
昆弟爲之矣則此報字不連上條言明甚首條亦見
姑適人者卽此丈夫之姪報服特首條專爲男子服
之不兼女子則此著姑之服姪男女同而姪男女之
服姑亦同故須言報也

錫恭按健庵據馬融陳詮注謂今本乃鄭君所更
此說謬甚攷通典載馬氏云嫁姑爲嫁姪服也俱

出也是以經之婦人專屬於姪也則鄭君以前句讀固與今本同也此猶曾祖父母爲士者如眾人曾祖父母固蒙上大夫爲之文而爲士者如眾人則專屬於曾祖父母此嫁姑爲姪亦蒙上女子子適人者之文而丈夫婦人報亦專屬於姪其讀法同也馬讀已然而謂今本乃鄭君所更不亦誣乎健庵見兩經之注通典錄在一經下故爲此說不知古本注不合經別爲一編君卿採輯未及析隸於兩經耳不足據以爲本合於一也

錫恭曩纂修禮芻議於兩出不再降篇曰開元禮

曰出降者兩女各出不再降蒙管讀而善之以爲唐人雖紊古制而於此尙合乎禮經按服術有六四曰出入謂女子子嫁者在室者也喪服大功九月章姑姊妹女子子適人者傳曰何以大功也出也注曰出必降之者蓋有受我而厚之者此經傳注所云昆弟及丈夫姪與姊妹及婦人姪其禮同也今由兩出者言之夫受我而厚之者一而已矣昔我之在室也彼固有受而厚之者矣今我之適人也彼之受而厚之者猶夫昔也而謂可再降也耶然則開元禮所云合於經傳注也明矣是以司

馬書儀政和新禮咸遵用之至僞家禮出

家禮非朱子書

本王氏懋竑說

始於大功章女適人者爲姑姊妹及兄弟

之女及總麻章女出嫁爲從祖祖姑從祖姑皆著在室之文別其爲在室者而適人者在所當降矣然猶未明著再降之文也至明人大亂舊章乃於總麻章著嫁女爲同堂姊妹之出嫁者兩出於是

有再降而從祖姑姊妹有視同路人者矣嗚呼何其薄也

蒙嘗以開元禮之說徵之於經而得一正

證焉得一參證焉經大功九月章大夫之妻爲姑

姊妹嫁於大夫者身爲大夫之妻而爲嫁於大夫

者是兩出之明徵也而爲之大功是不再降之明徵也夫禮經此節著尊同者不降不降則如邦人尊同者兩出不再降則邦人之兩出不再降可知也古人風俗敦龐兩出不再降經傳不待於明言世衰俗薄始有疑及再降者開元禮於是乎著之然經傳雖不明言而尊同不降者如是不啻明言之矣所謂正證者此也抑更有參互考覈而可證者大功章姪丈夫婦人報按禮經通例女子子在室者恒統於男上經姑姊妹適人者之姑卽此經丈夫及女子子在室者報之也經例無複出而此

更言報者兼嫁姪言之故也嫁姑與嫁姪相爲大功非不再降而何是說也非蒙一人之私言通典載馬季長說已云然是亦爲不再降之確證矣伏惟我朝通禮因明制而損益之而此事尙未刊正今者重修所宜講旨更定其於現行喪服之通制亦未嘗有所相左也或曰爲人後者爲其姊妹適人者小功非再降而何答曰此禮適殊夫姊妹適人者以出而降也爲人後者以持重於大宗而降也各信一義必再降而義始明傳於兩章各著其說矣若兩出者惟有出降一義耳烏可與之

同論哉

夫之祖父母世父母叔父母傳曰何以大功也從服也夫之昆弟何以無服也其夫屬乎父道者妻皆母道也其夫屬乎子道者妻皆婦道也謂弟之妻婦者是嫂亦

可謂之母乎

黃氏丕烈曰張本改嫂爲嫂據陸也李故本嫂案釋文云本亦作嫂嚴同亦作本故

名者人治之大者也可無慎乎注道猶行也言婦人棄

姓無常秩嫁於父行則爲母行嫁於子行則爲婦行

校

記曰二十四字今本脫徐本通典集釋通解俱有楊氏無浦鏗云爾雅疏亦有謂弟之妻爲婦

者卑遠之故謂之婦嫂者尊嚴之稱是嫂亦可謂之母

乎

校勘記曰八字今本脫徐本通典集釋通解俱有與疏合通典乎下更有言不可三字按若無言不可三

字則空述傳文殊覺無謂注意言嫂者雖是尊嚴之稱然竟謂之母則不可也不過比之以老人耳賈疏曰云婦者尊嚴之稱是嫂亦可謂之母乎者此因弟妻名為家每有此例非杜氏取賈氏疏屢入鄭注也嫂猶叟也宜補入錫恭按通典容并引大傳注文俟考黃氏丕烈曰張木改叟叟老人稱也是爲序男女之別爲叟據陸也李木叟爾若己以母婦之服服兄弟之妻兄弟之妻以舅子之服服己則是亂昭穆之序也治猶理也父母兄弟夫婦之理人倫之大者可不慎乎大傳曰同姓從宗合族屬異姓主名治際會名著而男女有別

釋文嫂本又作嫂同素早反 人治直吏反注治猶同 猶行戶郎反下同 卑遠於万反 猶叟素口

反 人稱尺證反 之別彼別反錫恭按當作彼列反下有別

并傳同

疏以其義服故次在此記云爲夫之兄弟降一等此

皆夫之妻故妻爲之大功也

錫恭按小功以下爲兄弟此非兄弟也假輕以

例重

傳

問者怪無骨肉之親而重服大功故致

問也答從服也從夫而服故大功也若然夫之祖父

母世父母爲此妻著何服也案下總麻章云婦爲夫

之諸祖父母報鄭注謂夫所服小功者則此夫所服

妻不報限

曹氏元弼曰不下脫在字

王肅以爲父爲眾子妻妻小

功爲兄弟之子妻其妻亦小功以其兄弟之子猶子

引而進之進同己子明妻同可知夫之昆弟何以無服已下摠論兄弟之妻不爲夫之兄弟服夫之兄弟不爲兄弟妻服之事云其夫屬乎父道者妻皆母道也其夫屬乎子道者妻皆婦道也此二者尊卑之敘並依昭穆相爲服卽此經爲夫之世叔父母服是也云謂弟之妻婦者是嫂亦可謂之母乎者此二者欲論不著服之事若著服則相親近於淫亂故不著服推而遠之遠乎淫亂故無服也又云名者人治之大者也可無愼乎者欲明母之與婦本是路人今來嫁於父子之行則生母婦之名旣名母婦卽有服有服

則相尊敬遠於淫亂者也是母婦之名入理之大可不慎乎當慎之若然兄弟之妻本無母婦之名名兄妻爲嫂者尊嚴之稱名弟妻爲婦與子妻同號者推而遠之下同子妻也是兄弟妻旣無母婦之名今名爲嫂婦者假作此號使遠於淫亂故不相爲服也

注 云謂弟之妻婦者卑遠之故謂之婦者使下同子妻則本無婦名假與子妻同遠之也云嫂者尊嚴之稱是嫂亦可謂之母乎者此因弟妻名爲婦以致斯問言不可也云嫂猶叟也叟老人稱也者叟有兩號若孔注尙書西蜀叟叟是頑愚之惡稱若左氏傳

云趙叟在後叟是老人之善名是以名爲嫂嫂婦人
之老稱故云老人之稱云是爲序男女之別爾者謂
不名兄妻爲母是次序昭穆之別也云若己以母婦
之服服兄弟之妻兄弟之妻以舅子之服服己則是
亂昭穆之序也者此解不得之意何者以弟妻爲婦
卽以兄妻爲母而以母服服兄妻又以婦服服弟妻
又使妻以舅服服夫之兄又使兄妻以子服服己夫
之弟

曹氏元弼校曰己字似衍然此句及上句與注

文未合錫恭按己字非衍疏以己當夫之弟而

又以夫之弟釋己觀上文云又使妻又使

則兄弟反

兄妻可以知之矣此確與注文未合者也
爲父子亂昭穆之次序故不得以兄妻爲母者也故

聖人深塞亂源使兄弟之妻本無母婦之名不相爲服也引大傳者云同姓從宗合族屬者謂大宗子同是正姓姬姜之類屬聚也合聚族人於宗子之家在堂上行食燕之禮卽繫之以姓而弗別綴之以食而弗殊是也又云異姓主名治際會者主名謂母與婦之名治正也際接也以母婦正接之會聚則宗子之妻食燕族人之婦於房是也云名著而男女有別者謂母婦之名明著則男女各有分別而無淫亂也通典馬融曰從夫爲之服降一等也

又陳註曰凡從服皆降一等

李氏如圭曰母道者名之爲母以名服之與其父同婦道者名之爲婦以服己之服報之昆弟之妻本非母婦之行不可服以母婦之服又不得以妻道屬其昆弟妻故昆弟之妻與夫之昆弟不相爲服其謂之嫂與婦者以名遠之耳夫之祖父母世叔父母夫皆服期故妻從服大功爲昆弟子夫之昆弟子之妻之服經無文按下經爲夫之姑小功爲夫之諸祖父母總皆言報則夫之旁尊於卑者之婦皆報之不盡出耳王肅以爲與旁子之婦同服小功非旁尊報之例也

敖氏繼公曰不言夫之世父母叔父母報文略也

錫

按敖又有駁傳一條膠柱鼓瑟之談不足辨

沈氏彤曰母本服期加爲三年其別於父者父沒乃得申也妻本服期無加降子婦本服大功其庶者降爲小功昆弟之子婦本服小功以服報而加爲大功從父昆弟之子婦則報服總而已大夫之子爲世父母叔父母子昆弟昆弟之子姑姊妹女子子無主者爲大夫命婦者唯子不報傳曰言其餘皆報也然則世叔父母於昆弟之子猶服報況昆弟之子婦乎故昆弟之子婦與夫之世叔父相爲皆大功若昆弟之

子婦而同於眾子婦之小功則是以旁尊爲足以加尊矣且眾子婦之小功降一等以別於適婦也昆弟之子婦何所嫌而別之而降之乎謂同於引而進之之例尤誤也至夫之祖父母爲此妻則以正尊而不服報又與世叔父母不同

胡氏培壘曰夫之世叔父母當以其服報之經不言者因祖父母不當言報故於世叔父母之報文亦從省以可推而知也

賈疏據王肅說以爲父爲眾子期妻小功爲兄弟之子期其妻亦小功以其兄弟之子猶子引而進

之進同己子明妻同可知錫恭按此說非也舊唐書禮儀志魏徵令狐德棻奏眾子婦舊服小功今請與兄弟子婦同爲大功從之又顏師古奏猶子之婦並服大功己子之妻反爲減降以類而言未爲允協此可見兄弟子婦自唐以前舊制皆爲大功也鄭氏珍以爲服大功始陳詮爲夫之昆弟之婦人子注後世制服因之非也王肅之名重於陳詮使此服爲後世所以然者傳曰旁尊也制必從王肅而不因陳詮所以然者傳曰旁尊也

不足以加尊焉故報之也彼爲昆弟之子且報之矣況昆弟之子之妻乎攷之於經凡在旁尊服無不報其在小功爲夫之姑報其在總麻爲夫之諸

祖父母報合之爲夫昆弟之子服期則重於大功

而報輕於大功而亦緣此大功者之必報可知而

魏徵顏師古之奏決非無徵也

朱子謂儀禮無兄弟子婦之文而議

徵奏不知何據非也

李氏敖氏說皆得之若如疏言夫所服

期者不在報限則爲夫之姑獨非夫所服期者乎

而經何以言報乎且所引注謂夫所服小功者乃

爲經在緦麻章釋義非爲經報字設例安得以此

定報限乎其謂引而進之亦未然夫昆弟之子與

一體者爲體故引而進之也若又以其與昆弟之

子爲體而進之則引而進之者無節矣大禮與天

地同節豈其然乎且婦爲卑遠之名而服同於引進又何其名實之相賓也原賈氏之意見唐人之改庶婦小功者以與兄弟子婦倒置爲言而經無兄弟子婦之文而適有王肅一說足以解時人所譏因遂取以作疏用心亦良苦矣其如於經義未當何惟夫之祖父母爲正尊誠不在報限故爲庶孫之婦在總麻章

鄭氏私箋申王肅說大意謂未有服疏者反過於服親者錫恭按此但知有親親而不知有尊尊也易曰家人有嚴君焉父母之謂也故先王制正統

之服親親中兼有尊尊而旁尊不足以加尊則但

以親論爲庶婦以正尊加之也降其本服一等又

降其從而加隆者一等

詳見適孫下

爲昆弟子婦報其

從服也凡報者如其所服不問本服與加隆故爲

昆弟子婦大功其反過於庶婦者一則正統之尊

一則不足加尊故也此親親而參以尊尊也今設

有大夫於此其女子子適士其昆弟之女子子嫁

於大夫二女皆卒爲女子子小功爲昆弟女大功

豈爲親昆弟之女過於己女哉參以尊尊之義故

也由斯以推爲庶婦小功爲昆弟子婦大功不得

謂親厚庶婦不如昆弟子婦也

程氏瑤田曰夫之世叔父母經不見報文不服也
曷言不服也不可服也舅姑於適婦大功庶婦小
功夫之祖父母於孫婦服總今報之大功同於適
婦矣小功同於庶婦矣總麻同於孫婦矣旁殺之
謂何親疏不分隆殺無節於服俱矣錫恭按旁親
與正統同服多矣總麻章夫之諸祖父母報不以
同於孫婦爲嫌而此以同於子婦爲嫌乎若謂適
婦大功又非昆弟子婦所得而同何則彼以重適
不降此以旁尊而報各明一義無所嫌也俱在程

氏豈在服乎

程氏夫之昆弟無服說亦謂旁親必報昆弟之子期傳日報之其例也故

昆弟之子以期服我我以期報之其妻以大功服我我以大功報之其說與此不同而與舊制合可

見程氏於此漫無定見也

通典吳徐整問射慈云子思哭嫂爲位在何面加麻

袒纓爲位不審服此有日數乎慈答云凡喪位皆西

面服此麻者謂大殮及殯之時已畢而釋之

錫恭按既畢而

釋之者蓋以加麻袒免謂當事之服也然則啟而復服既葬而釋之

又魏太尉蔣濟萬機論以禮記嫂叔無服誤據小功

章娣如婦

錫恭按下文云取弟於娣婦之句則此娣字似當作弟與今本不同

此三字

嫂服之名也古者有省文互體言弟及兄并婦矣娣

妯者兄弟之妻相名也

錫恭按此解經中妯字婦蓋連類及之非必當時卽作婦

與今本同也

蓋云夫之昆弟昆弟之妻相與皆小功者尙

書何晏太常夏侯泰初難曰夫嫂叔宜服誠自有形然小功章婦妯婦爲嫂叔文則恐未是也禮之正名母婦異義今取弟於妯婦之句以爲夫之昆弟雖省文互體恐未有及此者也凡男女之相服也非有骨肉之親則有尊卑之敬受重之報今嫂叔同班並列無父子之降則非所謂尊卑也他族之女則非所謂骨肉也是以古人謂之無名者豈謂其無嫂叔之字或無所與爲體也夫有名者皆禮與至尊爲體而交

與正名同接也有其體有其交故以其名名之故服之可也苟無斯義其服焉依夫嫂叔之交有男女之別故絕其親授禁其通問家人之中男女宜別未有若嫂叔之至者也彼無尊卑之至敬故交接不可不疏彼無骨肉之不殊故交疏而無服情亦微矣蔣答曰記云小功無位是委巷之禮也子思哭嫂有位蓋謂知禮制禮者小功當有位也然則嫂叔服文統見於經而明之可謂微而著婉而成章也中領軍曹羲申蔣濟議以爲敵體可服不必尊卑緣情制禮不必同族兄弟親而伯叔疏周服者何以尊服也伯叔母

無有骨肉之親有緣尊之義故亦服周何獨不可緣
親而服嫂乎苟以交報數然後服則妻母異域交亦
疏矣緣愛制服恩亦微矣豈若嫂叔共在一門之內
同統先人之祀有相奉養之義而無服紀之制豈不
詭哉且防嫌之道推而遠之孰與制服引而重之推
之則同他人引之則親親者矣晉傳元云先王之制
禮也使疏戚有倫貴賤有等上下九代別爲五族骨
肉者天屬也正服之所經也義立者人紀也名服之
所緯也正服者本於親親名服者成於尊尊名尊者
服重親殺者轉輕此近遠之理也尊崇者服厚卑降

者轉薄此高下之敘也記曰其夫屬乎父道者妻皆
母道也夫屬子道者妻皆婦道也人紀准之兄不可
以比父弟不可以爲子嫂之與叔異族之人本之天
屬嫂非姊叔非弟也則不可以親親理矣校之人紀
嫂非母也叔非子也稽之五服體無正統定其名分
不知所附袁准正論云或人云嫂親者也長嫂少弟
有生長之恩而云無服者近非古也殆秦燔詩書之
所失也太常成粲云嫂應有服作傳者橫曰無服蔣
濟引娣姒婦證非其義論云喪服云夫爲兄弟服妻
降一等則專服夫之兄弟固已明矣尊卑相侔服無

不報由此論之嫂叔大功可得而從宋庾蔚之云蔣濟成絜排棄聖賢經傳而苟虛樹已說可謂誣於禮矣

程子曰問嫂叔古無服何也曰古之所以無服者只爲無屬其夫屬乎父道者妻皆母道也其夫屬乎子道者妻皆婦道也若兄弟則己之屬也難以妻道屬

其嫂此叔嫂所以無服之義理推不行也

錫恭按此條之首以

檀弓推而遠之爲不是不知推而遠之者正以無屬故也是此而非彼何也范純夫先生說是錄在下

張子曰韓退之以少孤養於嫂故爲嫂服加等

昌黎集祭

鄭夫人文云昔在韶州之行受命於元兄曰爾幼養於嫂喪服必以期今其敢忘天實臨之

大抵

族屬之喪不可有加若爲嫂養卮以有恩而加於服則是待兄之恩至薄大抵無母不養於嫂更無處可養若爲族屬之親有恩而加等則待已無恩者可不服乎哉昔有士人少養於嫂生事之如母死自處以齊衰或告之非先王之禮聞而遂除之惟持心喪遂不復應舉人以爲得體勸恭按下記云不及知父母與兄弟居加一等兄弟小功以下之親也而張子以少孤養於嫂者加等爲非何也曰嫂統於兄嫂之恩兄之恩也兄本期親不可以有加也然嫂之恩不可忘也故以心喪報之沈氏彤曰心喪終期此亦無於禮者之禮也又張子言族屬之喪不可有加屬族二字微嫌大混當以大功以上爲斷嫂雖無服而統於兄不可等於小功以下也

范氏祖禹曰嫂叔無服古之人豈於其嫂獨無恩乎

傳曰其夫屬乎婦道者妻皆母道也至於嫂不可以

爲母則無屬乎妻道者也

錫恭按引者刪無字非

故推而遠之

以明人倫加之而無義不若不加之爲愈勝也

顧氏炎武曰謂弟之妻婦者是嫂亦可謂之母乎

記大

傳文同

蓋言兄弟之妻不可以母子爲比以名言之既

有所闕而不通以分言之又有所嫌而不可以不遠

記曰嫂叔之無服也蓋推而遠之也夫外親之同爨

猶總而獨兄弟之妻不爲制服者以其分親而年相

亞故聖人嫌之嫌之故遠之而大爲之坊

曲禮嫂叔不通問

不獨以其名也此又傳之所未及也

黃氏汝成曰傳曰其夫屬乎父

道者妻皆母道也其夫屬乎子道者妻皆婦道也言
外見昆弟之妻非母非婦其近於妻道矣名不正則
嫌生舉彼見此從容不迫此其存其恩於娣姒而斷
所以爲聖門之文耳非未及也其義於兄弟夫聖人之所以處此者精矣大傳疏曰有從有服
而無服娣姒是也有從無服而有服娣姒是也娣姒雖不制服然而曰無
服而爲位者惟嫂叔喪子思之哭嫂也爲位禮何也
曰是制之所抑而情之所不可闕者也然而鄭氏曰
正言嫂叔尊嫂若兄公與弟之妻則不能也正義曰兄公於
弟妻不爲位者卑遠之弟妻此又足以補禮記之不
於兄公不爲位者尊絕之檀弓言嫂叔之無服雜記言嫂不
及撫叔叔不撫嫂是兼兄公與弟妻

沈氏彤曰曲禮云嫂叔不通問夫生則不通問死則

爲之衰麻何義乎且所以不爲服於其死者正使之

遠別於其生也然則嫂叔之喪信如所爲闔門縞素

已獨元黃莫改者與

顏師古嫂叔服議

曰不然也奔喪云無

服而爲位者唯嫂叔及婦人降而無服者麻鄭云雖

無服猶弔服加麻袒免爲位哭也正言嫂叔尊嫂也

兄公於弟之妻則不能也是嫂叔之喪固弔服而加

麻矣兄公弟妻亦如之但不爲位耳凡弔服加麻皆

旣葬而除 吳射慈云服加麻者謂大殮及殯之時

已畢而釋之夫殯畢卽釋非錫衰疑衰之弔服也與

鄭注不合誤

錫恭按射氏所指者加麻也麻經帶也凡弔服加麻見於記者有三等檀弓曰

孔子之喪二三子皆經而出是出亦經也又曰羣居則經出則否是但出不經耳平居常經不必當事也服問曰公爲卿大夫錫衰以居出亦如之當事則升經大夫相爲亦然爲是當事則經居則不經也當事孔疏謂大斂及殯并將葬啟殯是也居雖不經而錫衰疑衰自若也玩服加麻者四字可見射氏特少言自啟至於既葬耳若孩童之叔被鞠養於長嫂則既葬非誤也互見上

之後心喪終期亦庶幾恩義之兼盡乎後世因鞠養之恩而制嫂叔之服因嫂叔制服而并制兄公弟妻之服如魏徵令狐德棻諸人皆不知先王之禮意者也

毛氏嶽生嫂叔無服議曰昔先王制服三年之喪由人心之不忍而節焉其他尊卑隆殺則皆緣義而推

由名而加者也義無可推名無從加則無服矣禮大傳曰同姓從宗異姓主名又曰名著而男女有別是故嫂叔之無服也爲慎於名也無母婦之名而爲母婦之服是甚悖於名而紊其序焉此先王主名而別男女之道也而後人必論爲有服者彼既不究名之義又以傳言無服而喪服記則曰夫之所爲兄弟服妻降一等文與傳乖異而記恆記經不備是知古非無服謂宜服大功後唐定服小功不廢殊不知記云夫之所爲兄弟服猶曰夫之所爲小功服舉兄弟以著其目而明其降不專以屬兄弟然記不曰小功

何也大功小功有成人未成人之異而服因有受與無受曰小功懼其無差別故不曰小功而曰兄弟服非以云嫂叔服也然何以知非昆弟而決爲小功昆弟之服已具於經而夫之昆弟無服傳固言矣記之傳曰何如則可謂之兄弟傳曰小功以下爲兄弟言遠兄弟自小功始也曾祖父母正服小功而經列齊衰三月傳曰何以齊衰三月也小功兄弟之服也不敢以兄弟之服服至尊也則此兄弟小功必矣康成曰兄弟猶言族親也所以謂之族親者記云兄弟皆在他邦加一等不及知父母與兄弟居加一等大功

以上則義固親服已重不可加故傳解曰小功下而記他云兄弟皆小功族親所容者廣因舉以釋其疑而通其義不然記云兄弟服亦總類則降又何等而婦人又禮不袒焉是故他經言兄弟固不舉屬小功然傳各有義此謂小功決也由是言之期親昆弟妻無服至於小功而從爲之總先王制服必不若是無等矣又喪服自君父外不曰某爲某則曰爲某繁列名稱以次其類嫂叔果有服矣此當云夫之爲兄弟服而不當云所爲也所爲云者所爲如是之服也且記前云君之所爲兄弟服室老降一等公士大夫降

其旁親自期以下不獨昆弟小功章云大夫大夫之子公之昆弟爲從父昆弟庶孫姑姊妹女子子適士者是也此獨云兄弟何邪若然凡記云所爲兄弟服舉兄弟以著其目而明其降不專以屬兄弟又其易明者也夫記不與傳殊而必欲執記以違傳用苟背於經是豈爲知禮哉然魏蔣濟論嫂叔之服誤舉娣姒婦文時固辨其非而正其失至晉成粲援記爲典粲固不考記義苟說又輒放逸不曰夫之所爲兄弟服而曰夫爲兄弟服妻降一等白晉及今鮮有言者則以不惟記云所爲之義又不察兄弟謂小功迹其

所稱遺異無詞闢之故焉然則嫂叔無服信矣而人
果幼失父母生長於嫂嫂之鞠養情若所生如魏徵
云者亦忍而無服乎又退之服期非乎夫先王制禮
不逆人情獨嫂之尊而無者以爲使叔期則疑於祖
父母世父母叔父母大功小功則疑於父母爲子長
婦庶婦之喪舉望於名而不順乎情至若無母之實
有母之名禮猶服乳母總豈有恩實同母而服至缺
於三月然而不言者以非恆見又後可緣義起也是
故爲嫂服期必如退之嫂者乃可不若是則惟無服
以昭其別且魏徵所議小功欲尊其嫂而報之德而

使嫂反屈於己服之之名又使凡爲叔者皆襲以行以是爲畔於禮而不可耳雖然君子臨喪則哀而禮又有同襲之總弔傷之節至嫂之喪正降報服室從而變而獨無易於故固情不安而義弗忍焉檀弓曰子思之哭嫂也爲位奔喪篇曰無服而爲位者惟嫂叔及婦人降而無服者麻康成解謂弔服加麻袒免爲位哭也又謂兄公於弟之妻則不能也而吳射慈斷加麻日數以爲大斂及殯而除是凡嫂叔之喪相爲弔服加麻逮殯而除戚與敬見而又無嫌於名君子其或有取焉者矣或曰曾子曰小功而不爲位也

者是委巷之禮也疑爲位皆有服且記云三康成不言而賈公彥又釋爲從母類果若所云則亡世經師之說爲勝於古也夫喪有主人之位有賓位賓不聞有服無服爲位固記之文也康成不言以其義明又兄弟謂小功也若賈氏則不得其解而曲爲說然固知其爲小功類矣後人解經或過前人服問之外兄弟鄭氏舉小功服之外祖父母與從母則闕君若璩不爲無說焉惟戴君震謂昆弟兄弟異義古人昆弟不言兄弟兄弟則舉其遠者此固執於傳而不可通耳夫服紀重輕非聖人不能斷而君子議禮不由先

王之制而考傳記文義之著徒爲煩說以淆於理則
吾見其昧於禮而無適從焉故擇論說作此議云

程氏瑤田謂弟之妻爲婦說曰大功章傳言夫之昆
弟之所以無服也曰其夫屬乎父道者妻皆母道也
其夫屬乎子道者妻皆婦道也謂弟之妻婦者是嫂
亦可謂之母乎故名者人治之大者也可無愼乎然
則弟之妻不可謂婦謂弟之妻婦者非也然而聖人
仍之而不改者何也鄭氏蓋言之矣曰卑遠之故謂
之婦是爲序男女之別夫禮者辨嫌明微者也嫌疑
之間其幾甚微故借婦之稱以示卑遠所以辨其嫌

而明其微也抑婦之義安昉乎昉於夫婦也說文云婦服也从女持帚灑掃也是故婦者女適人之通稱也故曲禮之言妃匹也士曰婦人易家人之象曰父子子兄弟弟夫夫婦婦而家道正記曰天下之達道五君臣父子夫婦昆弟朋友配五倫而言之皆正言妻曰婦是故大夫之妃曰命婦周官司市稱朝資夕賣者曰販夫販婦婦皆對夫言之喪服經言丈夫婦人者凡四見以婦人爲對丈夫之稱女子子謂之婦人子婦人不貳斬長婦與穉婦相名謂之娣姒婦皆以婦爲女適人之通稱由夫婦及婦人通稱而

推之弟之妻曰弟婦子之妻曰息婦猶言弟之婦人
子之婦人也男尊女卑男貴女賤故以服人爲義息
婦最卑故得專婦之名婦爲舅姑婦事舅姑婦或賜
之則受而獻諸舅姑是也若夫弟婦則不得專其名
故稱之必曰弟婦猶大夫妻之貴於室者必稱之曰
命婦也婦爲女適人之稱猶壻謂夫壻也故姊之夫曰姊壻妹之夫曰妹壻今女壻得專壻之名猶子婦得專婦之名自餘壻婦必曰某壻某婦也然則喪服傳之言
愼名者雖以婦名弟之妻是弟妻本可名弟婦而斷
然不制夫昆弟之服其義至深遠而未可以臆見難
之也錫恭按對夫之稱見其卑婦人通稱見其遠與鄭誼合

錫恭按母者尊親之名婦者卑遠之名是相對者也嫂者尊嚴之稱尊則與卑相對而嚴則與遠相類者也弟妻假以婦名而兄妻不假以母名者昆弟之妻與夫之昆弟其道在於遠別婦之名雖卑而本遠故可以假於弟妻母之名既尊而又親不可以假於兄妻而別爲嚴者之稱曰嫂亦所以遠之也然此名所以序男女之別也非因以制服也何則嫂既別爲嚴稱不以母名制服而凡名服皆爲母行

大傳注名世母叔母之屬也

其婦行有服者皆以報其

從服是知嫂婦之名非所以制服也

大夫爲世父母叔父母子昆弟昆弟之子爲士者注子謂庶子

傳曰何以大功也尊不同也尊同則得服其親服注尊同謂亦爲大夫者親服期

疏大夫爲此八者本期今以爲士故降至大功亦爲重出此文故次在此也 注 云子謂庶子者若長子在斬章故謂庶子也尊同謂亦爲大夫者經言大夫爲之明尊同是亦爲大夫也云親服期者此八者並見期章是也

通典馬融曰子謂庶子也皆周也大夫尊降士故服

大功也尊同者亦爲大夫服周也

敖氏繼公曰不杖期章爲此親之爲大夫命婦者云
大夫之子此云大夫互見其人以相備也

王氏士讓曰大夫士雖同爲臣而服命殊矣燕射則
有堂上堂下之班鄉飲酒則有齒與不齒之異卽五
服之喪而哭位別焉若喪服不爲之減殺則他禮皆

窒礙而不可行故大夫降其旁親理當然也錫恭按此爲方

氏苞析疑發也析疑云先王制禮貴者恩每隆哀每
篤是故百官備百物具不言而事行者扶而起言而
後事行者杖而起謂以尊而降其親非禮意也攷方
氏篤於親親故有此說然其解經雖誤而觀過足以
知仁王氏所糾適如其分可謂方氏之爭友也此條
今爲欽定義疏案語胡氏正義引作王氏說

蓋王氏爲三禮館纂修所
擬稿胡氏時猶可識別也

華氏學泉曰或問大夫之降其期以下服何也曰先
王制服尊尊親親之義並重曰尊尊則自天子以至
公侯卿大夫統此矣尊不敵親故雖天子不敢降其
正期親不敵尊故雖大夫得降其旁期或曰天子諸
侯之貴其於諸父昆弟有君臣之分矣故族人不得
以其戚戚君宜也大夫於諸父昆弟無君臣之分其
所以必詘其親以伸其貴何也曰古者諸侯之封不
過百里大夫之仕於其國其父兄宗族之爲士者皆
其所統也不使之眾著於尊尊之義不可以爲治後

世士大夫之仕者離其鄉數千里故雖入爲公卿出爲牧伯而五服之親不聞有所降殺其時義宜爾也大夫之子以大夫而降何也曰此亦從尊尊之義推之也國無二君家無二尊父之所不服子亦不敢服故大夫以尊降大夫之子及公之子以厭降

褚氏寅亮曰此等有父爲大夫而存者卽是尊同不

降錫恭按此說可疑下節大夫之庶子爲昆弟大功卽此經昆弟而褚氏所云有父爲大夫而存者也下節相爲皆大功厭降也而一人爲大夫遂皆不降旣不見尊降之義又沒其厭降之文不可解也如謂大夫之子得與大夫尊同則大夫庶子之昆弟亦得與大夫尊同矣何以在大功章耶況大夫之子原非可與大夫尊同也此爲疑事之大者互見不杖章唯子

不報
下

胡氏培輩曰合世叔母言爲士者以其爲士妻非命婦也與不杖期章言大夫爲祖父母適孫爲士者例同經不言報則此八者爲大夫皆如其親服服期明矣

通典魏田瓊曰喪服經不見大夫適子爲庶昆弟服者與大夫爲庶子爲士者同父之所降子亦不敢不降也

公之庶昆弟大夫之庶子爲母妻昆弟注公之庶昆弟則父卒也大夫之庶子則父在也其或爲母謂妾子也

傳曰何以大功也先君餘尊之所厭不得過大功也大
夫之庶子則從乎大夫而降也父之所不降子亦不敢
降也注言從乎大夫而降則於父卒如國人也昆弟庶
昆弟也舊讀昆弟在下其於厭降之義宜蒙此傳也是
以上而同之父所不降謂適也

釋文上而時掌反

疏云公之庶昆弟大夫之庶子者此二人各自爲母
妻爲昆弟服大功此並受厭降卑於自降故次在自
降人之下 注 若云公子是父在今繼兄而言昆
弟故知父卒也又公子父在爲母妻在五服之外今

服大功故知父卒也云大夫之庶子則父在也者以其繼父而言又大夫卒子爲母妻得伸今但大功故知父在也云其或爲母謂妾子也者以其爲妻昆弟其禮並同又於適妻君大夫自不降其子皆得伸今在大功明妾子自爲己母也 傳 問者怪此等皆合重服期今大功故發問也答云先君餘尊之所厭不得過大功也者此直答公之庶昆弟以其公在爲母妻厭在五服外公卒猶爲餘尊之所厭不得過大功其大夫之子據父在有厭從於大夫降一等大夫若卒則得伸無餘尊之厭也云父之所不降子亦不

敢降也者此傳云而降遂言不降者也此傳雖文承

大夫下亦兼解公之昆弟未悉公爲何人不降弟公

不降子亦不降與大夫同也

錫恭按公之庶昆弟據父卒者也父所不降子

不敢降據父在者也此傳不兼解公之庶昆弟疏誤

注以大夫尊少身在

降一等身沒其庶子則得伸如國人也云昆弟庶昆

弟也者若適則在父之所不降之中故知庶昆弟也

云舊讀昆弟在下其於厭降之義宜蒙此傳也是以

上而同之者言舊讀謂鄭君以前馬融之等以昆弟

二字拙之在傳下今皆易之在上鄭檢經義昆弟乃

是公之庶昆弟大夫之庶子所爲者父以尊降庶子

則庶子亦厭而爲昆弟大功是知宜蒙此傳則昆弟二字當在傳上與母妻宜蒙此傳同爲厭降之文不得如舊讀也云父所不降謂適也者不指不降之人而云謂適者欲見適中非一謂父爲適妻適子之等皆是也

通典雷次宗曰公羊傳曰國君以國爲體是以其人雖亡其國猶存故許有餘尊以厭降之

又陳詮曰從乎大夫而降謂父在者

又吳徐整議問者云若父已卒己未大夫故猶士耳未審庶子及昆弟當復降不答曰大夫之子從乎大

夫而降至於父卒則如國人也

又漢戴德喪服變除曰天子諸侯之庶昆弟與大夫之庶子爲其母大功九月哭泣飲食思慕猶三年晉賀循喪服要記曰公之庶昆弟父卒爲其母大夫之庶子父在爲母皆大功九月凡降服旣降心喪如常月又天子諸侯賤妾子爲其母厭於父不得制廢緘之服三月而葬葬已而除居處飲食言語心喪三年劉智釋疑曰凡屈不得服者皆有心喪之禮小功以下不稅服乃無心喪耳

李氏如圭曰昆弟者繫於今君之稱言公之昆弟則

庶自明矣重言庶者主見爲母者指妾子爲其母適
子爲母則自伸其本服 大夫降其庶子庶婦一等
爲貴妾總故大夫庶子爲其母妻昆弟亦降期而大
功諸侯絕服庶子庶婦不服妾故公子不敢服其母
妻昆弟先君旣沒猶厭於餘尊大功而已凡屈而降
服者皆以心喪終其月數劉智曰小功以下不稅服
者乃無心喪耳厭降之與尊降異者錫恭按此下疑脫尊降者三字
不降其正統之親及旁親之尊同者厭降者父所不
服則皆不敢服之穀梁傳曰公子之重視大夫公之
昆弟其尊與大夫等而其服有不同者以此公之昆

弟於大功以下乃無餘尊之厭得伸於尊不同者則自以已旁尊降之一等與大夫同

顧氏炎武曰尊尊親親周道也諸侯有一國之尊爲宗廟社稷之主旣沒而餘尊猶在故公之庶子於所生之母不得伸其私恩爲之大功也大夫之尊不及諸侯旣沒則無餘尊故其庶子於父卒爲其私親並依本服如邦人也親不敵尊故厭尊不敵親故不厭此諸侯大夫之辨也後魏廣陵侯衍爲徐州刺史所生母雷氏卒表請解州詔曰先君餘尊之所厭禮之明文季末陵遲斯典或廢侯旣親王之子宜從餘尊

之義便可大功饒陽男遙官左衛將軍遭所生母憂表請解任詔以餘尊所厭不許

方氏苞曰獨舉大夫之庶子以適子於母妻不降庶子從父而降兄弟則適子之降不待言矣

浚氏廷堪曰餘尊所厭鄭君無注敖氏云以死者爲其父尊之所厭則大謬竊謂公之庶昆弟其父雖卒而適子尙爲諸侯是先君之餘尊猶在故爲所厭不得伸也苟知尊尊之義則此傳不難解也

胡氏承珙曰此章下文云大夫大夫之妻大夫之子公之昆弟爲姑姊妹女子子嫁於大夫者小功章云

大夫公之昆弟大夫之子爲其昆弟庶子姑姊妹女子子之長殤又云大夫大夫之子公之昆弟爲從父昆弟庶孫姑姊妹女子子之適士者獨不見公之昆弟爲其昆弟成人者之服蓋國君絕旁期於眾子無服父之所不服子亦不敢服故公在則公子於昆弟無服而爲其母妻之服乃在五服之外卽君卒矣向之公子今爲公之庶昆弟然猶爲先君餘尊之所厭爲此三人者不得服其親服而止於大功故特以昆弟與母妻一例於此見之而後公之昆弟爲其昆弟成人者之服始著至大夫之子爲其昆弟之爲大夫

者已見不杖期章而其爲昆弟之不爲大夫者獨無

所見故亦於此見之

錫恭按此語亦微誤觀下曹氏元弼說可見

若如舊

說以昆弟字屬下條則大夫之子爲其昆弟之服將於何見之耶況下文皆爲其從父昆弟之爲大夫者注云皆者言其互相爲服尊同則不相降疏云此承上公之庶昆弟大夫之庶子之下則是上二人也若如舊讀置昆弟二字於此條之上則昆弟爲誰之昆弟於義無屬於文不辭矣鄭君改讀極精後人故欲從舊讀而強爲之解非也

鄭氏珍曰公之庶昆弟之母妻昆弟皆先君所不服

公子當先君在時爲君之尊所厭特以母妻非昆弟
旁親可比故爲母練冠麻爲妻縗冠葛經帶皆麻衣
縗緣旣葬除之而不在五服之中亦仍與無服等至
昆弟則並此無之所謂君之所不服子亦不敢服也
及先君薨似得伸矣而猶爲餘尊所厭皆不得過大
功焉聖經賢傳皆明確不易自馬融等以昆弟拙在
傳下屬之下條於是公昆弟之服晦及康成改同上
節古義復還而好異者且非之信從者又止守穀梁
傳公子之重視大夫及後鄭注公之昆弟猶大夫二
語而不致思公之昆弟所爲服經雖屢與大夫大夫

之子並列其爲服義例則不盡同是其服仍晦也今詳攷之公之昆弟當先君在時於期功之親固不敢服君所不服卽先君沒而亦無有服期者此與大夫於期親尊同則服本服迥異蓋公之昆弟尊同大夫故於諸親亦尊同不降不同則降而於先君之昆弟姊妹成人在室者及己之昆弟姊妹成人在室者獨不可以尊降論何也已爲公子昆弟與世叔父亦公子姑與姊妹成人在室者亦女公子是其尊也皆同卽已實爲大夫而此七期親者其尊同大夫自若也安所得而降之惟女公子適人則尊卑係於夫而不

係於父始得視其夫之爲大夫爲士以從降不降之
例耳然此七期親者先君在時皆應服不敢服及先
君沒而猶爲餘尊所厭相爲皆不過大功經此條止
著爲母妻昆弟而不出爲世父母叔父母姑姊妹者
諸侯繼世立長其常旣是公之昆弟則當世父者卽
先君也更無所謂世父其有世父者非常故經不得
言之不言世父因亦井不及叔父若姑姊妹經例無
著其成人在室之服故七期親止出昆弟其餘謂皆
可參互小功殤服見也殤小功章公之昆弟爲其姑
姊妹之長殤合之此條是爲昆弟成人與殤並著也

女子成人在室與男子同則知成人姊妹亦大功爲姑既長殤小功則成人在室亦大功以姑在室與男子同知爲世父母叔父母亦大功也自母妻及七期親而外餘尊厭所不及始得以尊卑論錫恭按子尹親者不數子女子子也其實子此公子之服例雖自女子子亦先君餘尊所厭者也母妻外凡服皆與大夫同而實有尊降厭降之分不同大夫止是尊降又大夫有不降者則仍爲期公子則絕無期服也

夏氏斂曰傳曰父之所不降子亦不敢降也文承從乎大夫而降之後明三人大夫不降子亦不敢降之

而國君亦可上推矣大夫之適妻大夫之子之適母也大夫之適婦適子之妻也大夫之適子大夫之子之適昆弟也此三人者大夫皆不降爲內子期適婦大功適子三年故大夫之子爲適母三年大夫之適子爲其妻期大夫之庶子爲適昆弟期所謂子亦不敢降也諸侯於庶子之母妻昆弟皆絕服不得謂之降故知降謂大夫然諸侯於夫人適子適婦亦不降服問所云君所主夫人妻太子適婦是也此二句雖承大夫言其實諸侯亦在其內

曹氏元弼曰徐氏程氏皆從舊讀謬甚試以經文讀

之公之庶昆弟大夫之庶子爲母妻昆弟皆爲其從父昆弟之爲大夫者若昆弟屬下讀成何文理禮公子之重視大夫此昆弟亦公子也旣爲公子卽皆如大夫初不論其爲大夫爲士上文大夫爲昆弟爲士者條安得包公之昆弟爲昆弟之服乎

程曰上條著大夫之服則

公之昆弟大夫之子皆在所包何以知之小功殤服中大夫公之昆弟大夫之子爲其昆弟庶子姑姊妹女子子之長殤一條卽上大夫條之長殤服於其大夫下連言公之昆弟大夫之子卽可決大夫條之大夫二字實包三人也若二庶之昆弟以公之庶昆弟言則先君在時爲公子之庶者不聞其爲昆弟於五服外制厭服今先君薨而爲今君庶昆弟其於昆弟之爲士者自同大夫之爲昆弟服大功若其昆弟已爲大夫則又在尊同得服親服之例矣安得以先君餘尊厭之耶若大夫庶子之昆弟則固從大夫而服

喪服十

妻求恕齋

已包在上條大夫爲子昆弟
昆弟之子中奚必別出之耶公之昆弟無論爲大夫

爲士相爲皆大功以同是公子也姊妹在室亦然以

其爲女公子也嫁於大夫亦如之以大夫妻與公子

尊同也
婦人既嫁從夫之爵適士者降小功以爲士妻尊不同

也以此言之公之昆弟相爲之服不以大夫士異明

矣微特昆弟也爲諸父亦不以大夫士異以諸父之

父亦爲君者則諸父亦公子也諸侯之禮盡臣諸父

昆弟期已下皆絕父所不服者子亦不敢服故君在

公子爲諸父昆弟皆無服與母妻同則君沒爲諸父

昆弟亦皆大功與母妻同以爲餘尊所厭不得過大

功也厭降者非必其私親凡從乎父而降者皆是故
鄭期章注云公子大夫之子以厭降豈獨爲母妻言
乎程曰餘厭止於爲母爲妻蓋母妻者其私親也餘
故以君厭之若夫昆弟豈可以私親加之哉餘
尊所厭止不得過大功則大功以下爲餘尊厭所不
及乃以公之昆弟之旁尊降之尊同者亦不降故公
子爲從父昆弟無服而公之昆弟爲其爲大夫者大
功爲士者小功經於公之庶昆弟爲母妻昆弟著餘
尊厭不得過大功之例於爲其從父昆弟之爲大夫
者著大功以下無餘尊厭而有尊降之例記於公子
爲其母妻著從乎君而不服之例此經連言母妻昆

弟昆弟與母妻同言母妻而昆弟可知若以記不言
昆弟而謂此經無昆弟之文則公之昆弟相爲之服
何所見公之昆弟爲他期親尊同者服之例何所見
乎庶者適妻所生第二以下及妾子之通稱但此經
庶字中微有分別爲妻爲昆弟適妻所生第二以下
之庶所同爲母則惟據妾子之庶故注云其或爲母
謂妾子也程氏謂此條是專著爲母爲妻遠不同於
適者因謂公之適昆弟爲妻服期不知公之適昆弟
之妻君在亦君所不服君沒亦爲餘尊所厭不得過
大功者安得服期乎公之昆弟爲母有異爲妻無異

爲昆弟亦無異皆爲先君餘尊之所厭故共其文至
大夫之子服與大夫同上大夫爲昆弟爲士者條固
得包大夫之子爲昆弟之服然其庶子之爲母妻則
未見大夫庶子爲母妻與公之庶昆弟同因同類言
之大夫庶子爲昆弟之服可不見公之庶昆弟爲昆
弟之服不可不見大夫庶子旣與公之庶昆弟合言
因並蒙昆弟之文大夫庶子爲昆弟本與公之庶昆
弟相爲同并詳之可也若大夫適子之爲昆弟自己
包在上大夫條中不足以相難錫恭按竹郡之難墨
莊曰若謂大夫庶子
爲昆弟不爲大夫者無所見故於此見之則大夫適
子爲昆弟不爲大夫者又於何見之乎故叔彥并釋

之後人不知公之昆弟相爲不得與大夫爲昆弟同
大夫庶子爲昆弟祗因與公之昆弟合文而連言或
疑昆弟二字當在下節首或疑爲衍皆非夫尊降者
施於尊不同者也公之昆弟尊降之服自庶子始以
庶子非公子也大夫尊降始於世叔父昆弟爲士者
通典馬融曰言庶者諸侯異母兄弟也庶子大夫
妾子也諸侯貴妾子父在爲母周父沒伸服三年
大夫貴妾子父在爲母周賤妾子父在爲大功所
從大夫而降也錫恭按妾雖有貴賤然鈞是妾也
其爲尊卑也微若以妻臨貴妾則儼然適庶之分

也今乃使貴妾之子服其母等於適而使賤妾之
子服其母異於貴其謬顯然易見不知馬氏何所
本而爲此說也其解經庶字亦微誤如其說則適
妻第二子已下爲妻爲昆弟豈有以異於此耶

又姜輯議渤海王

讀禮通考曰名輔安平獻王字第三子也

服范太妃

事喪服云君爲女子子嫁於國君者傳曰尊同則
得服其親服然則君之庶子有封爲君者其父亦
不降之明矣士之妾子不降母者以其與父貴賤
不足殊也然則尊與父同不見厭者亦宜申其情
盡禮於其母渤海王旣不承安平之祀而母已受

王命之寵成太妃之號愚謂太妃之尊但當自降於渤海不得配食於安平之廟爾至於渤海三王自宜盡爲母之制不復厭於安平以從公子降等之禮案薛公謀議皇子已封爲王列土守蕃不得戚於天子者父卒爲母三年錫恭按厭降之異於尊降者以尊而降則尊同不降以厭而降則不問其尊之同不同但視父之所服何如耳不杖期章大夫之子所不降者皆父之所不降者也此渤海王服范太妃事正爲先君餘尊之所厭者也先君無服妾之禮則庶子不得有過於大功之禮也姜

輯議非是

皆爲其從父昆弟之爲大夫者注皆者言其互相爲服
尊同則不相降其爲士者降在小功適子爲之亦如之
釋文相爲于僞反下其爲爲之下文所爲同錫恭按
其爲之
爲當如字不
應同于爲反

疏此文承上公之庶昆弟大夫之庶子之下則是止
二人爲此從父昆弟之爲大夫者以其二人爲父所
厭降親今此從父昆弟爲大夫故此二人不降而服
大功依本服也言皆者鄭云互相爲服者以彼此相
爲同是從父昆弟相爲著服故云皆互相見之義故

也云其爲士者降在小功者降一等故也云適子爲之亦如之者雖適不降同故也

李氏如圭曰公之昆弟爲從父昆弟爲大夫不降者以尊同大夫之庶子不降者以父所不降也大夫之

適子亦然承上庶子之文而不及於適耳

李氏又曰皆者皆公

之庶昆弟大夫之庶子也錫恭按此誤會疏意也疏意文承上公之庶昆弟大夫之庶子故謂此二人爲之非以釋經皆字若以釋經皆字則與注互相爲服之意違矣今節此語而附辨之

敖氏繼公曰春秋傳曰公子之重視大夫公之昆弟降其昆弟之爲公子者不降其從父昆弟之爲大夫者則知先君餘尊之所厭止於上三人耳

張氏爾岐曰注其爲士者從父昆弟之爲士者也適子爲之亦如之明不特大夫之庶子不爲之降也此又依經推言之

胡氏培翬曰注云皆者言其互相爲服尊同則不相降者從父昆弟本大功若爲大夫則以尊降今兩爲大夫尊同不降此爲彼服大功彼爲此亦服大功故云互相爲服以釋皆字之義明皆服大功也錫恭按此經爲之者兼有公之昆弟大夫之子而胡氏云兩爲大夫者以公之昆弟大夫之子同於大夫故也以其釋注皆字之訓甚明故錄之而其單言大夫舉以起例非挂漏也

曹氏元弼曰小功章大夫公之昆弟大夫之子爲從

父昆弟爲士者卽此條重出之文則此皆爲其從父
昆弟之爲大夫者謂上文大夫公之庶昆弟大夫之
庶子爲之也公之昆弟於非公子尊不同者得降尊
同者大功以下得遂之例見於此矣從父昆弟非公
子尊本不同爲大夫則尊同公之昆弟爲之與大夫
同故與大夫大夫之庶子同文注云皆者言其互相
爲服尊同則不相降者注意謂大夫公之昆弟大夫
之子並爲其從父昆弟之爲大夫者大功而從父昆
弟之爲大夫者亦爲之大功故云皆也是鄭合兩服
言之使皆字闡發無餘義注又云適子爲之亦如之

則固以皆字爲總承上大夫公之庶昆弟大夫之庶

子來矣繼公竊注義反欲陰破注謬

放曰此文承上經兩條則皆云

者皆大夫公之昆弟大夫之子也錫恭按注云適子爲之亦如之亦云者承上大夫之庶子言也而大夫之庶子既與公之庶昆弟同文公之昆弟其尊又比於大夫故知注總承上兩節大夫公之庶昆弟大夫之庶子也敖說襲之而又易竊疑注云互相爲服亦注皆字之訓是陰破注義也

大分言之大夫之庶子其適昆弟爲之大功從父昆

弟爲大夫者宜以尊降之在小功矣互相爲服主謂

大夫公之昆弟尊同者爾

爲夫之昆弟之婦人子適人者注婦人子者女子子也

不言女子子者因出見恩疏

釋文見恩賢遍反下以見同

疏此亦重出故次從父昆弟下此謂世叔母爲之服
在家期出嫁大功 注 云不言女子子者因出見
恩疏者女在家室之名是親也婦者事人之稱是見
疏也今不言女與母而言夫之昆弟與婦人子者是
因出見恩疏故也

通典馬融曰在室者周適人者降大功也

敖氏繼公曰是服夫妻同也

錫恭按敖氏之病在不肯信而好古如此條立

說甚善下文乃云上經不言夫爲之者其文脫與輒疑經有脫誤是不信經之病也下文又云或言女子子或言婦人子互文以見其同爾是欲破注因出見恩疏之誼也是不信注之病也

欽定義疏世叔母爲夫之昆弟之子婦亦大功不言者

上經爲夫之世父母叔父母雖不言報以旁親無不

報之例已可推見故不另出也

臣錫恭按此駁陳氏

婦人者夫之昆弟之子婦也子者夫之昆弟之女子適人者也此是二人皆服大功先儒皆以婦人子爲一人此既不語且夫昆弟之子婦復見何許耶陳氏詮說如此義疏駁之故在此節

胡氏培壘曰此世叔母爲之服也不言世叔父爲之

服者以此包之注以婦人子卽女子子而經不言女

子子因出見恩疏者言女則己所生是親言婦則爲

人婦是疏今不言女子子而言婦人子者以其出適

人降服大功故言婦人子以見其恩之疏也

鄭氏珍曰經稱婦此條外凡四見皆與丈夫對舉爲男子女子之稱則此婦人子亦獨女子子耳注義原確晉陳銓注其說新而實非若是姪婦曰昆弟之婦可也今日昆弟之婦人反不語甚矣世叔父母爲姪婦之服經皆不見必以此爲昆弟之子婦世叔母見矣世叔父服之又見何許乎徐氏乾學以其說爲長實所未喻

大夫之妾爲君之庶子注下傳曰何以大功也妾爲君之黨服得與女君同指爲此也妾爲君之長子亦三年自爲其子期異於女君也士之妾爲君之庶子亦期

疏妾爲君之庶子輕於爲夫之昆弟之女故次之

注引下傳曰何以大功也妾爲君之黨服得與女

君同指爲此者也

校勘記曰指爲之爲要義作謂下同與注不合錫恭按陽城張氏本

此卷之疏從要義校兩稱指爲皆作爲不作彼傳爲謂與阮記又異未見宋本要義無從攷定也

此經而作故云指爲此在下者鄭彼云文爛在下爾

故也云妾爲君之長子亦三年者妾從女君服得與

女君同故亦同女君三年又云自爲其子期異於女

君也者以其女君從夫降其庶子大功夫不厭妾故

自服其子期是異於女君也云士之妾爲君之眾子

亦期謂亦得與女君期者亦是與己子同故也

曹氏元獨

校曰當爲亦得與己子同
者亦是與女君同故也

通典魏王肅曰大夫之妾爲他妾之子大功九月自
諸侯以上不服

黃氏榦曰此條內妾爲君之黨服得與女君同夫黨
服通用

郝氏敬曰女君同大夫服妾同女君服也
錫恭按郝說甚謬節

取此
二語

盛氏世佐曰庶子謂適妻所生第二以下及他妾之
子也女子子在室與嫁於大夫者亦存焉惟適長子
及己所生則異於是

方氏苞曰婦爲舅姑期其情適至是而止妾爲女君

君之長子三年

錫恭按女君二字衍

將責以誠乎責以誠也舅

姑以考終常也長子死家之大變也先祖之正體摧

君及女君痛如斬而不與同其憂非事人之道也

沈氏彤曰妾從女君而服君之黨則爲君之祖父母

世父母叔父母亦大功可知也傳雖專釋爲君之庶

子而此義亦包其中矣

女子子嫁者未嫁者爲世父母叔父母姑姊妹注舊讀

合大夫之妾爲君之庶子女子子嫁者未嫁者言大夫

之妾爲此三人之服也

傳曰嫁者其嫁於大夫者也未嫁者成人而未嫁者也
何以大功也妾爲君之黨服得與女君同下言爲世父
母叔父母姑姊妹者謂妾自服其私親也注此不辭卽
實爲妾遂自服其私親當言其以明之齊衰三月章曰
女子子嫁者未嫁者爲曾祖父母經與此同足以明之
矣張氏洵曰注曰當言其以明之又曰足以明之矣按
釋文見恩注云下以見同下無以見字必是誤作以
明也從釋文錫恭按疏述注當言傳所云何以大功也
其以明之作明足以明之矣作見妾爲君之黨服得與女君同文爛在下爾女子子成人
者有出道降旁親及將出者明當及時也

疏此是女子子逆降旁親又是重出故次之於此知

逆降者此經云嫁者爲世父已下出降大功自是常法更言未嫁者亦爲世父已下非未嫁逆降如何恭錫
按如而 注 云舊讀合大夫之妾爲君之庶子女通用

子子嫁者未嫁者言大夫之妾爲此三人之服也者此馬融之輩舊讀如此鄭以此爲非故此下注破之也 傳 云嫁者其嫁於大夫者也未嫁者成人而未嫁者也此二者依鄭爲世父已下七人本服皆期未嫁者逆降之服大功也云何以大功也妾爲君之黨服得與女君同者此傳當在上大夫之妾爲君之庶子下爛脫誤在此但下言二字及者謂妾自服其

私親也九字揔十一字既非子夏自著又非舊讀者

自安是誰置之也今以義必是鄭君置之鄭君欲分

別舊讀者如此意趣然後以注破之

戴氏震曰據疏此說以為世父

母叔父母姑姊妹十字為傳文以下言二字及者謂

妾自服其私親也九字共十一字為鄭所加不知經

既見為世父母叔父母姑姊妹十字為傳不應重見此

十字而絕不釋其意是二十一字通為鄭注無疑且

攷其文義上云言大夫之妾為此三人之服也下云

繼妾自服其私親也一言一字一謂字皆指舊讀者之

意如是自舊讀至此不辭一氣連貫不可截斷錫恭

按疏特不計此十字耳非謂此十字非注文也詳見

鄭氏云此不辭者謂此分別文句不是解義言辭也

云即實為妾遂自服其私親當言其以明之者此鄭

欲就舊章讀破之

曹氏元弼曰章字衍

案不杖期章云女子子

適人者爲其父母昆弟之爲父後者也

錫恭按也字衍

又云

公妾以及士妾爲其父母自爲其親皆言其以明妾

爲私親

錫恭按此句妾字衍

今此不言其明非妾爲私親一人

逆降一人合降不得合云二人是二人爲此七人等

逆降者

曹氏元弼曰二人不皆逆降但疏意重在逆降一邊故惟據逆降言之

又引齊

衰三月章曰女子子嫁者未嫁者爲曾祖父母經與

此同足以見之矣者彼二人爲曾祖是正尊雖出嫁

亦不降此則爲旁親雖未嫁亦逆降聖人作文是同

足以明之明是二人爲此七人不得以嫁者未嫁者

上同君之庶子下文爲世父以下爲妾自服私親也

云傳所云何以大功也妾爲君之黨服得與女君同
文爛在下爾者此傳爲大夫之妾爲君之庶子而發
應在女子子之上君之庶子之下以簡札韋編爛斷
後人錯置於下是以舊讀將爲本在於此是以遂誤
也云女子子成人者有出道降旁親者此鄭依經正
解之以其嫁者降旁親是其常而云未嫁者成人未
嫁亦降旁親者謂女子子十五已後許嫁笄爲成人
有出嫁之道是以雖未出卽逆降世父已下旁親也
云及將出者明當及時也者錫恭按賈疏述注句讀
微誤此當以降旁親及
將出者爲句言降旁親之禮由已出者而謂女子子
及未出者也乃後以明當及時也釋之

年十九後年二月冠子娶妻之月其女當嫁今年遭此世父已下之喪若依本服期者過後二月不得及時逆降在大功大功之末可以嫁子則於二月得及時而嫁是以云明當及時也

朱子曰此段自鄭注時已疑傳文之誤今攷女子子適人者爲父通解續引及兄弟之爲父後者已見於

齊衰期章爲眾兄弟又見於此大功章唯伯叔父母姑姊妹之服無文而獨見於此則當從鄭注之說無

疑矣

文集答
余正甫

李氏如圭曰未嫁者爲此期親當服期而服大功者

以其成人將出欲其及時故逆降旁親也假年十九而遭期喪降之爲大功則得及時而嫁大功之末可以嫁子故也馬融舊讀以大夫之妻降其庶子大功爲女子子未嫁者亦然其嫁於大夫者則以出降無尊降亦大功大夫之妾爲此三人者悉從女君之服其自服其私親世父以下則無尊厭降一如邦人出降一等兩義各異故經兩言爲以別之其義自通鄭義於經文爲順特成人未嫁者得逆降其旁親爲異耳錫恭按李氏既云鄭義於經文爲順矣而又以逆降爲異者謂馬鄭兩說惟逆降爲鄭君所獨異而非以逆降爲誤也馬義與鄭君他條不異故云然

敖氏繼公曰前經見姊妹適人者及爲夫之昆弟之婦人子適人者此世父母而下爲凡女子子之降服也其服惟以適人爲節以此見逆降之服無報禮也
敖又曰此著其降之之節異於他親也在室而逆降正言此七人者蓋世父母叔父母與姑之期爲旁尊之下加厥姊妹之期雖本服然以其外成也故并世父以下皆於未嫁而略從出降明其異於父母昆弟也
錫恭按此說未然姊妹相爲之服與眾昆弟同眾昆弟不逆降則姊妹亦不得逆降姊妹之子何以異於世父昆弟亦得逆降可知也又昆弟之子何以異於世父叔父而經亦未著以此知經舉世父叔父而昆弟之子可類推經舉姊妹而眾昆弟可類推不得云凡昆弟異於姊妹而逆降之服止此七人也凡旁期皆當逆降經舉此以見例上以異於正尊而下以異於大功以下也 又曰謂爲世父母以下皆妾爲私親之服不合於經蓋此乃適人者之

通禮經必不特爲此妾發之

盛氏世佐曰女子子未嫁者曷爲亦降其旁親乎曰
逆降也逆降之義奈何曰昏姻之時男女之正王政
之所重也女子二十而嫁有故二十三年而嫁謂父
母喪也聖人權於二者之間以父母之喪較之昏姻
之時則服重而時輕故使之遂其服以世叔父諸喪
較之昏姻之時則服輕而時重故使之遂其時此逆
降之禮所由設也女子子所逆降者惟此七人耳以
其皆期服故也錫恭按逆降皆期服是也但不止此七人若大功已下可
以無妨於時則不須逆降矣其不云在室而云未嫁

者女子子在室與男子同禮之常也惟其年已及笄故雖未嫁而得從出降之例所以通其變也傳以成人而未嫁者釋之得經意矣

沈氏彤儀禮女子子逆降旁親服說曰喪服鄭注云女子子成人者有出道降旁親及將出者明當及時也賈釋云未嫁而降旁親是逆降也後儒往往疑其說至有詆爲背理亂常者愚以爲此聖人制服之權而鄭賈獨得之者也蓋人之娶婦以嗣親而助養祭則貴乎及時女子子成人將出而或有旁期之服畢喪而嫁則娶者不能待不畢喪而嫁則嫁者卽於愆

是嫁不嫁兩無所處也雜記云大功之末可以冠子
可以嫁子鄭以末爲卒哭則女子子而服大功者卒
哭而後亦可以嫁非若期之喪之必終也明矣故逆
降旁期爲大功使不敢以輕服而妨禮本然則逆降
之云誠此經本義也而輕詆哉至傳所稱成人者謂
其年二十已笄醴者耳賈乃兼十五以後許嫁笄者
言之見齊衰三夫許嫁笄而在十五以後則去嫁期

尙遠何慮其時之不得及而俾之逆降乎必不然矣
沈氏又曰逆降之禮惟大夫之女子子有之而不及
於士錫恭按大夫之女子子其未嫁也當從乎大夫
而降不必逆降也沈說未是惟其謂士不得降旁期
爲大功雖其子可以嫁若其父之不可以嫁子何此

說未有以通之然古
人必有以處此俟攷

褚氏寅亮曰逆降之說諸儒謂未然夫婦道外成既有係屬卽降其本族旁親亦不嫌於薄然竊意逆降之節未必一許嫁卽然或在請期之後將嫁而未及嫁亦遂同已嫁者之例耳

金氏榜曰此傳與鄭注相亂上經注云下傳曰何以大功也妾爲君之黨服得與女君同指謂此也此經注云傳所云何以大功也妾爲君之黨服得與女君同文爛在下耳鄭君引傳文咸止此其上下所增益者皆注譌爲傳也鄭君注云舊讀合大夫之妾爲君

之庶子女子子嫁者未嫁者言大夫之妾爲此三人之服也嫁者其嫁於大夫者也未嫁者成人而未嫁者也下言爲世父母叔父母姑姊妹者謂妾自服其私親也與注此不辭以下通爲一條主釋經義俱在傳文上其援齊衰三月章嫁者其嫁於大夫傳文明舊讀者之意以此女子子嫁者爲嫁於大夫故大夫之妾爲服大功耳後人因已見齊衰三月章誤以此爲傳文覆出而移何以大功也妾爲君之黨服得與女君同十六字次於其下由是注語橫決與傳混淆鄭君引傳一則云指謂此也再則云文爛在下正明

傳者不誤誤由舊讀者若如今本傳文則實傳者誤
說注不得指爲文爛喪服記注云女君有以尊降其
兄弟者謂士之女爲大夫妻大夫之女爲諸侯夫人
諸侯之女爲天王后也父卒昆弟之爲父後者宗子
亦不敢降也此明嫁者得以尊降其本親今改讀此
經女子子嫁者爲齊衰之親服大功實謂此女子子
爲嫁於士如傳有嫁於大夫之文則當降服小功鄭
君不得更易舊讀誤入此大功章如鄭君不從傳文
嫁於大夫又不當不置一言破之也或疑行於大夫
以上曰嫁行於士庶人曰適人經例適士者不言嫁

榜謂輕例有二言嫁言適與大夫士連文者別異之
辭經云嫁於國君嫁於大夫適士適人是也單言嫁
者上下通稱經云父卒繼母嫁女子子嫁者未嫁者
是也齊衰三月章傳云嫁者其嫁於大夫者彼經自
大夫爲宗子以下凡四條皆章末附著大夫之服其
舊君曾祖父母爲士者如眾人女子子嫁者未嫁者
爲曾祖父母三條經皆不言大夫傳者補著蓋承上
經大夫爲宗子發傳又以別於此大功章言嫁者爲
得通於士庶以下也經文爲世父母叔父母姑姊妹
舊讀謂妾自服其私親鄭君云卽實爲妾遂自服其

私親當言其以明之可破其誤榜謂小功章大夫之
妾爲庶子適人者彼庶子爲女子子則此經大夫之
妾爲君之庶子與小功章大夫之妾爲庶子之長殤
庶子蓋通男女言之彼據適人此關在室則君之庶
子下不得復出女子子嫁者未嫁者之文審矣錫恭按校
傳注之混淆金氏此條致爲精審阮氏元校國學
石經遵用其說全載于石經校勘記中惟篇末信女
子子爲大夫之女子子
誤與沈氏同今節錄

凌氏曙曰自鄭氏破舊讀以來議者紛呶不已舊讀
謂大夫之妾爲君之庶子女子子嫁者未嫁者三人
服仍有世父母叔父母姑姊妹是妾之私親夫妾之

私親而可繫之於爲君之下耶繫之於爲君之下可

以謂自服其私親耶凡經在前傳在後

錫恭按當作凡經在前傳

亦在前經在後傳亦在後

絕然不紊今如舊讀大夫之妾爲君之

庶子女子子嫁者未嫁者云云則傳何以不依序次

先釋妾爲君之黨服得與女君同而反退其傳於嫁

者未嫁者之下也是謂後先顛倒矣通經有此例乎

且禮決嫌疑經傳於妾之私親則曰公妾大夫之妾

爲其子傳曰何以期也妾不得體君爲其子得遂也

見於齊衰期章矣又曰公妾以及士妾爲其父母傳

曰何以期也妾不得體君得爲其父母遂也皆加其

字以別之今繫於爲君之下無其字以別之亦何由知其自爲私親也記曰凡妾爲私兄弟如邦人妾之兄弟加一私字辭嚴義正而可繫於爲君之條之下耶況女子子適人者爲父母及昆弟之爲父後者已見於齊衰期章爲眾兄弟又見於大功章惟伯叔父母姑姊妹之服無文而獨見於此豈非爲女子子發例而非爲妾之私親而設也

鄭氏珍曰按此條今世言喪服者多從舊讀合女子八字上屬爲妾服君黨下云世父等爲妾自服私親而以鄭改讀爲非經誣傳大違服例必不可依愚

嘗疑若按今經傳讀之以合通篇服例爲庶子及女子子未嫁者當期大夫之妾從女君以尊降故大功女子子嫁者以出降當大功大夫之女若適士又以尊降當小功此嫁大夫者尊同得服親服大夫之妾從女君以尊同不降故大功妾不得體君得各遂其私親之服故爲世父母叔父母姑姊妹皆以出降大功經傳明白畫一毫無疑竇卽云當言其而不言其旣可以文爛在下又焉知字無脫落改讀誠屬多事且改讀必義勝前人卽不勝亦須各伸一義今以改讀按之服例女子子之嫁者於本宗旁期以出降服

大功此女子子是嫁於大夫者若世叔父同是大夫
姑姊妹仍是大夫妻自應尊同不降仍依出降大功
若世叔父是士姑姊妹是士妻又當以尊降服小功
經不言世叔父是大夫姑姊妹是嫁於大夫自主士
言則此嫁大夫之女爲服小功明矣至女子子未嫁
者於世父等並與男子服期亦不得大功是改讀之
義反大謬不通矣以康成於喪服微曲悉到此條既
非隱互難明之服又有明白可據之傳何以必須改
讀改讀又不通如此康成宜不其然反覆推攷乃知
世所據以駁康成之傳且非賈氏所見之傳而賈氏

所見之傳注又非康成原本今一一詳疏之此經之
當從鄭說始了然矣 大夫之妾爲庶子適人者注
以子夏傳此者錯置後條下當移歸此後條本無傳
也其傳曰十八字乃舉後條下全文非抽出言之之
辭於本經下舉正舊簡之錯在他經者自應全標簡
字與玉藻而素帶諸節樂記愛者宜歌商節注卽在
錯簡下止云宜承某某自明者不同故知鄭所注經
本傳曰二字之下卽連何以大功注舉十八字是其
全文若後條注復舉何以大功三句卽隨便言傳所
云更可見矣欲明此經鄭讀此其鍵籥也 女子子

嫁者未嫁者爲世父母叔父母姑姊妹注按舊讀至未嫁者述馬融輩讀法言大夫之妾至私親也述舊讀者合上下作一條解義

錫恭按此依賈疏將下言以下廿一字歸入注文

此不辭至文爛在下爾乃自下所以破舊讀之意此不辭及經與此同之此皆指此經爛在下之下指此經下言此經不是謂妾服私親之辭篇中謂妾服私親之辭例言其字此經若誠爲妾服私親當言其如不杖期章爲其子爲其父母以見是妾服私親今此經無其字而齊衰三月章言女子子服曾祖一經辭正與此同足明此經與彼經同爲女子子本親之服

傳所云何以大功也三句乃上一經之傳因簡爛誤指在此經下耳舊解者惟不知傳實誤置見傳發妾服之義於此經下自然謂上下皆是妾服不能不讀女子子嫁者未嫁者上屬合庶子爲妾服君黨下爲世父等爲妾服私親其如此經之辭與篇中必言其者不類與言女子服者正類則不能不改讀矣 又按鄭改讀必據經不言其者蓋通計全篇經例於爲人後者爲人妾者女子子適人者三等人之服私親文必言其以見非所後及夫家之親大功章女子子適人者爲眾昆弟獨不言其以嫂叔無服不嫌無其

字故也

錫恭按此駁沈氏形說也沈氏小疏援女子子適人者爲眾昆弟無其字以難注故駁之

竊謂駁之是矣而駁之之說未然何也

夫之世父母叔父母姊妹皆不而此經著女子子爲其本親

亦不嫌無其字然則爲眾昆弟不言其豈關嫂叔無

服哉蓋彼既著女子子適人者則爲眾昆弟可不

其此既著女子子嫁者未嫁者則爲世父母等亦可

不言其彼經正爲此經之比例若如舊讀以女子子

嫁者未嫁者爲大夫之妾服君之黨此爲字上承君

之黨下又不言其何由知其爲自服私親也以此責

沈沈可無辭而

則此爲世父等若必是妾服私親經

注誼自顯矣

決無不言其今既不言其知非妾服私親決矣解經

必先守經康成據通篇文例斷之已非若舊讀之憑

私牽合況此條經旨關女子服例非細必如舊讀亂

文例猶可失一服例其可乎

又按注言女子子成

喪服十

其求恕齋

人有出道降旁親

錫恭按旁親句未絕
子尹亦不能無誤

六朝儒者謂

之逆降

見梁朱异問
李業興語

不始賈疏也而此義明後學者

羣大訛之愚謂此聖人經例鄭特明之非凡造也若
言女子子成人未嫁者於親服皆同男子則不杖期
章於祖父條內已有未嫁女孫服之矣何以下又言
女子子爲祖父母齊衰三月章曾祖父母條內亦兼
有未嫁曾孫女服之矣何以下又言女子子未嫁者
爲曾祖父母觀彼兩經決知聖人於女子年已笄醴
者謂雖未卽嫁而早晚有嫁道若值喪服必一概滿
其月數則當婚姻愆期女道外成得歸爲重遂服較

輕惟正尊之服是不敢降若旁親則皆可從降使無失嘉會之時此一經正著有出道降旁親之專例其餘經皆不出從可知也

錫恭按所謂其餘指昆弟及昆弟之子等不關大功已

下惟祖父母與曾祖是正尊不在此例故別出言之

鄭注女子子爲曾祖條云此著不降明有所降正康成善於讀經無隱不盡之處若如舊讀則此例專在

此條者先致晦盲而爲祖爲曾祖二條之別出言者

經意直無從知矣

錫恭按斬衰章女子子在室爲父注云言在室者關已許嫁言外見

已許嫁者旁親有逆降之例

又按朱子初以舊讀爲得傳意以

鄭改傳爲牽強後與余正甫書始云女子子適人者

爲世父等之服獨見此經當從鄭注無疑愚謂經出此條非明嫁女爲世父等之常例特以見未嫁女有逆降旁親之專例何也女子子爲世父等其但以出降者自可由爲眾昆弟及爲姑姊妹女子適人者推知其餘更以尊降者又可由大夫之妻爲姑姊妹嫁於大夫者推知其餘本宗出降之服經不見者尙多何必定見爲世父等若未嫁降旁親不出此條則此例遂無從見此經意也朱子特以鄭氏說禮之宗終不肯違其意故從爲之辭耳 傳曰何以大功也妾爲君之黨服得與女君同按今本傳曰下嫁者其嫁

於大夫者也未嫁者成人而未嫁者也四句賈疏中

已述之今玩注說知馬鄭本並無也蓋魏晉已後從

馬王之學者

錫恭按王肅說見通典似不異於鄭

以經言嫁者未嫁者

未主名嫁於大夫

私箋名作明今從巢經巢經說校改

其未嫁者妾自

從女君以尊降大功義無可破其嫁者若是適士則

既以出降又以尊降卽不得爲大功終是破實因取

齊衰三月章嫁者未嫁者之傳謂經同傳同師說乃

堅耳鄭固未之見也若鄭見傳文已如此豈不計以

已讀合傳文則此女子子是大夫之妻此條下明云

大夫之妻爲姑姊妹嫁於大夫者傳云尊同則得服

其親服是爲姑姊妹尊不同者當小功此條上明云
大夫爲世父母叔父母爲士者傳曰尊不同是其妻
自爲世叔父母尊不同者以出降大功更以尊降小
功此經旣不云爲世父母叔父母之爲大夫者姑姊
妹之嫁於大夫者則皆不得爲大功明矣而經是大
功如傳云者固不得大功依傳義則舊讀決不可改
改舊讀則傳義決不可通而必改從新讀鄭何至荒
忽如是今卽新讀與傳義全背之故而確以上注之
標舉錯次全文者證之卽本注推本經決知鄭所見
之本此經下止有傳曰十八字並無嫁者其嫁於四

句也惟其目中心中絕無嫁於大夫之說其傳曰十
八字已定當歸上經此經直無傳文按經讀之嫁者
自主適士言其爲世父等自從出降一等常例所以
更不注說止解未嫁者一層而舊讀以適士之女大
夫妻應以出降尊降服小功者乃謂妾從之服大功
康成且不暇斥其誤矣錫恭按嫁者四句禮箋以爲
注文私箋直以爲衍文二說
略殊而以注之改讀定其非傳文皆確不可易也其
爲注文衍文必有一合一不合今不能定姑兩存焉
又按其曰康成不暇斥其誤者駁胡氏培輩說也
胡氏以金氏爲非其言曰若謂注引前傳文以明舊
讀者之意則當有駁語何以注末反爲成人而未嫁
者申明其義故私箋以不暇斥釋之竊謂注末釋未
嫁者與舊讀者之意殊舊讀意猶在室注義
重有出適不惟不申明乃正所以斥其誤也 又按

今本傳得與女君同下有下言爲世父母叔父母姑姊妹者謂妾自服其私親也二句賈疏指是注文當連上節注末句同爲鄭分別舊讀意趣之語不當割置傳下分一注作兩截傳本久經如是不便輒改而古人經注連寫不似後世明標注疏字樣易爲分別賈恐讀者見注文鶻突或認爲子夏所傳或認爲舊讀所安故預破此兩惑意謂何以大功三句旣當在上爲君之庶子下矣則此經傳原止有嫁者其嫁於四句如連下言二句並爲傳文卽不成文理若謂馬氏等所安馬氏喪服經傳注具在得與女君同下並

無此語此決爲鄭注無疑止須連上節讀耳其下言
兩句凡二十一字賈氏不計爲世父母叔父母姑姊
妹十字者以十字是鄭述經文故止計鄭於十字上
下所加之十一字朱子謂中包爲世之姊妹十字是
也戴氏震校儀禮集釋退此二十一字上接前注下
連本注合作一條以還鄭氏之舊合賈說矣又譏賈
氏以爲世父母十字爲傳以下言十一字爲鄭加亦
未全明疏意賈何曾以十字是傳乎 又按二十一
字之非傳不特賈疏可見杜氏通典大功九月議載
此經下稱晉孫略議以爲伯叔父母姑姊妹皆夫家

也妻體夫尊降其夫伯叔父母姑姊妹小功妾賤不敢降也張祖高難以爲妻爲夫之黨服降夫一等夫之姑姊妹宜小功妾服女君之黨得與女君同豈以貴賤之故而異之愚謂孫議張難不從舊讀亦不從鄭義並守傳文妾服女君黨立說孫謂妾賤不敢同女君小功義雖與傳相違仍與本經爲大功合張之難與女君同小功則直不顧本經是大功章矣要可見晉世諸人並不知下言兩句是傳文故於馬鄭外各明已說若見傳已有妾爲私親明文何作夢寐耶私箋又謂混二十一字於傳文在賈氏以後因歸咎於開成石經錫恭按賈氏作疏時此二十一字若尙

在注中則賈疏不爲此說矣鄭重諸人非不見賈疏者其立石時校勘再三決不出諸注而入諸傳也竊謂不知蓋關經生所慎賈氏校傳之誤未易傳之文而開成石經承之其混入傳文固在賈氏前也私箋此條未敢附阿附

又按阮氏元云注自舊讀起當次

謹節而錄之
傳文女君同之下說本戴氏震按篇題疏云若傳不釋經者則注在傳上以釋經若傳義難明者則在傳下以釋傳此注例也今鄭既以女子條下之傳當屬上條又元無嫁者其嫁於四句則女子條下鄭意本無傳矣必無注本條於他條下之理故知注必並在經下阮說亦非程氏瑤田初見與阮氏同及作足徵記意在處處力攻鄭氏憑空拈此不辭三字以鄭氏

爲斥傳文謂可斷傳文實有此二十一字程非不知
二十一字依賈疏的是注文而必以誣傳者以不誣
傳則不能誣鄭耳其說經之私殆不可深問矣 又
按循注文讀之止是駁舊讀者不知傳文爲錯次因
而誤解兩條皆大夫之妾服耳並不指傳者說誤至
敖氏卽驛湊之本立論於是累及傳者謂傳者失於
分句不審求爲嫁者大功之說不得故強生嫁於大
夫之義以自傳合而爲世父以下文無所屬又以爲
亦大夫之妾爲之直是視子夏文學專科反不如一
年入學者尙能離經句讀也至謂傳文始蓋在未嫁

者下今在此者鄭氏移之更可勿論矣 或曰鄭據
齊衰三月章女子子爲曾祖條經與此同以明此亦
女子服本親而彼傳固言嫁者其嫁於大夫者也此
經卽如子言鄭所見之傳本無嫁者四句而以彼經
例之辭同義自同則嫁者仍是大夫妻況鄭注子嫁
反云凡女行於大夫以上曰嫁卽無前傳亦知是嫁
於大夫者也鄭義不仍非乎曰子嫁反之注蓋以明
嫁字之義非以明經例也若以經言嫁者必是嫁於
大夫卽子嫁反在室爲父三年者鄭豈以爲非大夫
妻仍服期乎又如繼母嫁從爲之服者鄭豈以爲非

嫁大夫卽不爲服乎知必不然矣且此經主明女子
得降之親出者固降卽有出道者亦降彼經主明女
子不得降之親出與將出者固不降卽出而貴者猶
不得降傳者恐人以此經例彼經謂彼經嫁者止指
士妻故云嫁者其嫁於大夫者而大夫妻以上以下
無貴賤皆不敢降正尊止降旁親之義以明經辭雖
同義各有在鄭據以證改讀者止是明經無其字爲
服本親非以經意是一也 前六年說此經反覆尋
繹得卽本注推本經定康成所據經傳古本原無嫁
者其嫁於四句然後改讀之確可得而明其說幾備

今日重復思之更得卽上條明下條卽記文明經文益見世儒以改讀病康成者先自病讀書粗心也蓋

經例凡爲子女服同者皆子女子並言

錫恭按此例未確惟

大功殤章子女子並言耳期章爲衆子卽單言子而包女子子於其中惟妾爲君之子

女例止統言庶子

錫恭按此例甚確

此章大夫之妾爲君之

庶子與殤小功章大夫之妾爲庶子之長殤小功章

大夫之妾爲庶子適人者經凡三條文例是一則此

上言庶子已包女子在內下女子子嫁者未嫁者非

屬爲世父等爲別言女子之服而何記云凡妾爲私

兄弟如邦人妾所爲私親大功以下服備此一語而

卽此一語可知經內不著妾爲其私旁親之服故記特補所不備苟如舊讀是經已見妾爲其世父等旁親服例餘不出者從可知矣何待記補之乎記以經已見妾爲其父母一條則爲祖曾亦以不得體君得遂本服可知故不及私親正尊而止著兄弟服卽其不及正尊而兄弟服之爲經所不見益明以上條明下條以記文明經文改讀豈有微罅乎鄭學誠不可粗心輕議矣

夏氏析曰鄭引舊讀大夫之妾爲君之庶子合女子嫁者未嫁者爲一節言大夫之妾爲此三人之服

說尙可通至於下言爲世父母叔父母姑姊妹者謂妾自服其私親此則不辭矣如果妾自服其私親當言爲其世父母叔父母姑姊妹以見之蓋上之庶子女子子明言爲君非其私親也則下之世叔父母姑姊妹非爲君之黨服乃爲其私親服不著其字人何以解於是知舊說之不辭矣不辭云者乃斥舊讀非斥傳也 凡喪服中其字不苟下如爲人後者旣以所後之大宗爲父母則於本生之父母昆弟必云其父母其昆弟以別之諸侯之公子大夫之庶子有嫡母在故於己所生之母必云其母以別之公妾大夫

之妾有君大夫之嫡子庶子在故於己所生之子必
云其子以別之公士大夫之眾臣有諸侯之君在其
爲有采地之君必云其君以別之女子子在室爲父
則不云其適人以後爲父母昆弟之爲父後者則亦
言其以別之然婦人於私親卽不云其猶無不可分
別至於此經上文云爲君之庶子女子子嫁者未嫁
者是所服者君之黨也下旣爲其私親必當云爲其
世父母叔父母姑姊妹始不相混不然則所爲服者
安知不混於君之世父母叔父母姑姊妹乎錫恭按凡妾所
爲服有從女君而服君之黨有從女君而服女君之
黨有自爲其私親故於其私親必言其以別之若不

言其不惟嫌於君之黨亦嫌於女君之黨也心伯此條致精常沈氏小疏之難注可不辨而自明矣

通典馬融曰合大夫之妾爲君之庶子女子子嫁者未嫁者言大夫之妾爲此三人同服錫恭按此卽注所謂舊讀者也馬氏喪服經傳注隋書經籍志唐書藝文志皆著錄是唐時尙存故賈疏以舊讀爲馬氏之輩也已爲鄭君所駁無待再論惟通典錄其說已彰明較著乃夏氏忻臆撰季長之說善於學禮管釋中豈猶未見通典耶又通典載孫略張祖高之議鄭氏私箋引而難之已見於前不贅述

經言嫁不言適人盛氏世佐謂明雖爲大夫妻不再降錫恭按盛氏此說非鄭誼也喪服記注曰女君有以尊降其兄弟者謂士之女爲大夫妻大夫之女爲諸侯夫人諸侯之女爲天王后也然則士女嫁於大夫者不惟以出降又當以尊降如盛氏說雖爲大夫妻不再降是但有出降而已何以異於適士者不亦顯背記注所謂尊降者耶故曰非鄭誼也

孔氏廣森以未嫁者爲許字大夫錫恭按昏姻以時禮通上下注言明當及時必不專指許字大夫

者也夏氏析說略同而又謂大夫女許字大夫則大夫之女子子旣以厭降無庸逆降前已辨之矣所謂歧路之中又有歧焉者也

大夫大夫之妻大夫之子公之昆弟爲姑姊妹女子子嫁於大夫者君爲姑姊妹女子子嫁於國君者傳曰何以大功也尊同也尊同則得服其親服諸侯之子稱公子公子不得稱先君公子之子稱公孫公孫不得祖諸侯此自卑別於尊者也若公子之子孫有封爲國君者則世世祖是人也不祖公子此自尊別於卑者也是故始封之君不臣諸父昆弟封君之子不臣諸父而臣昆

弟封君之孫盡臣諸父昆弟故君之所爲服子亦不敢
不服也君之所不服子亦不敢服也注不得禘不得祖
者不得立其廟而祭之也卿大夫以下祭其祖禘則世
世祖是人不得祖公子者後世爲君者祖此受封之君
不得祀別子也張氏澹曰注曰不得祖公子又曰不得祀別子按釋文云不復扶又反復謂此
二句得字誤也不得者禁止之辭也公子禘先君公孫
祖諸侯於禮爲僭禁之可也其曰不得禘不得祖宜也
若公子之子孫有封爲國君者蓋既祖此則不再祖彼
焉爾經於上禘先君祖諸侯皆云不得於下止言不祖
義可見矣今改二句之得爲復從釋文校勘記曰張說
當矣但疏以則世祖是人不得祖公子者兩句爲疊
傳則得字者字宜俱屬衍文下句得字乃當
作復爾釋文不云下同明注中止一復字
公子若在高祖以下則如其親服後世遷之乃毀其廟爾因國君

以尊降其親故終說此義云

釋文不復扶又反

疏此等姑姊已下應降而不降又兼重出其文故次
在此也此大夫大夫妻大夫之子公之昆弟四等人
尊卑同皆降旁親姑姊已下一等大功又以出降當
小功但嫁於大夫尊同無尊降直有出降故皆大功
也但大夫妻爲命婦若夫之姑姊妹在室及嫁皆小
功若不爲大夫妻又降在總麻假令彼姑姊妹亦爲
命婦唯小功耳今得在大夫科中者錫恭按夫疑當作功秦氏五禮
通考引此謂命婦爲本親姑姊妹已之女子子因大
正作功

夫大夫之子爲姑姊妹女子子寄文於夫與子姑姊妹之中不煩別見也云君爲姑姊妹女子子嫁於國君者國君絕期已下今爲尊同故亦不降依嫁服大功傳云何以大功也問者以諸侯絕旁服則大夫降一等曹氏元弼曰則字衍今此大功故發問也答曰云曹氏元弼曰尊同也尊同則得服其親服者大夫與諸侯云字衍所以亦爲服者各自以爲尊同故服之也若然大夫之下則云命婦大夫之子國君之下不云夫人世子亦同國君不降可知云諸侯之子稱公子已下因尊同遂廣說尊不同之義也但諸侯之子適適相承象

賢而旁支庶已下並爲諸侯所絕不得稱諸侯子變
名公子案檀弓注云庶子言公卑遠之是以子與孫
皆言公見疏遠之義故也云此自卑別於尊者也者
謂適既立廟支庶子孫不立廟是自卑別於尊者也
云若公子之子孫有封爲國君者謂若周禮典命云
公八命卿六命大夫四命其出封皆加一等是公之
子孫曹氏元弼曰
公下脫子字或爲天子臣出封爲五等諸侯是
公子有封爲國君之事錫恭按公子下
脫之子孫三字云則世世祖
是人也不祖公子此自尊別於卑者也者謂後世將
此始封之君世世祖是人也不祖公子謂不復祀別

子也云是故始封之君不臣諸父昆弟者以其初升

爲君諸父是祖之一體又是父之一體其昆弟既是

父之一體又是己之一體故不臣此二者

錫恭按賈疏說臣不

臣之故皆微誤詳見下朱子語中

仍爲之著服也云封君之子不臣

諸父而臣昆弟者以其諸父尊故未得臣仍爲之服

昆弟卑故臣之不爲之服亦旣不臣當服本服期

錫恭

按此說未是辨見後

其不臣者爲君所服當服斬以其與諸侯

爲兄弟者雖在外國猶爲君斬不敢以輕服服至尊

明諸父昆弟雖不臣亦不得以輕服服君爲之斬衰

可知云封君之孫盡臣諸父昆弟者繼世至孫漸爲

貴重故盡臣之不言不降而言不臣君是絕宗之人
親疏皆有臣道故雖未臣子孫終是爲臣故以臣言
之云故君之所爲服子亦不敢不服也者此欲釋臣
與不臣君之子與君同之義云君之所爲服者謂君
之所不臣者君爲之服者子亦服之故云子亦不敢
不服也云君之所不服子亦不敢服也者然此謂君
所臣之者曹氏元齋曰然字衍君不爲之服子亦不敢服之以
其子從父升降故也 注 云不得禰不得祖者不
得立其廟而祭之也者鄭恐人以傳云不得禰不得
祖令卑別之不得將爲禰祖故云不得者不得立其

廟而祭之名爲不得也以其廟已在適子爲君者立之旁支庶不得並立廟故云不得也云卿大夫以下祭其祖禰鄭言此者欲見公子公孫若立爲卿大夫得立三廟若作上士得立二廟若作中士得立一廟並得祭其祖禰既不祖禰先君當立別子以下以其公子公孫曹氏元弼曰公孫二字衍並是別子若魯桓公生世子名同者後爲君慶父叔牙季友等謂之公子公子並爲別子不得禰先君桓公之廟慶父等雖爲卿大夫未有廟至子孫已後乃得立別子爲大祖不毀廟已下二廟祖禰之外次第則遷之也故云卿大夫已下

祭其祖廟也雖得祭祖廟但不得廟祖先君也云則

世世祖是人不得祖公子者

校勘記以此得祖之得為衍改下得祀之得為

復皆因張忠甫識誤并上自校注誤之說也錫恭按張氏本釋文陸氏與賈氏所用之本容有不同阮氏校疏未必皆此謂鄭顯傳文也

校勘記曰謂字疑衍云後世為

君者祖此受封之君不得祀別子也者此鄭解義語

以其後世為君祖此受封君解世世祖是人不得祀

別子解不祖公子者也以其別子卑始封君尊是為

自尊別於卑者也云公子若在高祖已下則如其親

服者此解始封君得立五廟五廟者大祖與高祖已

下四廟今始封君後世乃不毀其廟為大祖於此始

封君未有大祖廟唯有高祖已下四廟則公子爲別
子者得入四親之限故云公子若在高祖以下則如
其親如其親謂自禰已上至高祖以次立四廟云後
世遷之乃毀其廟爾者謂始封君死其子立即以父
爲禰廟前高祖者爲高祖之父當遷之又至四世之
後始封君爲高祖父當遷之時轉爲大祖通四廟爲
五廟定制也故云後世遷之乃毀其廟也錫恭按注
云後世遷
之乃毀其廟者謂毀公子在
四親者之廟也疏說不明云因國君以尊降其親
故終說此義云者自諸臣之子以下曹氏元弼曰
臣當爲侯旣
非經語而傳汎說降與公子之義故云終說也

通典馬融曰此上四人者

大夫大夫之妻大夫之子公之昆弟各爲其

姑姊妹女子子嫁於大夫者服也在室大功嫁於大

夫大功尊同也按在室大功以在大夫尊降之限嫁

大夫尊同故不復重降嫁士則小功

胡氏培驥曰案在室大功以在

大夫尊降之限云云疑後人申釋馬注之說非注原文也

李氏如圭曰凡婦人從其夫之爵位故大夫之妻得

體夫之尊其服與大夫同

程氏瑤田曰婦人適人爲姑姊妹大功嫁爲大夫妻

爲姑姊妹小功今姑姊妹亦嫁爲大夫妻得尊同服

親服之大功也然則姑姊妹在室相爲服期有一適

人相服大功兩皆適人亦相服大功不彼此再降而相爲服小功也蓋同是適人同是降服大功亦猶尊同得服親服之義也他處不見兩皆出室之例惟此大夫妻爲嫁大夫者可見兩相出室無兩相再降者也

褚氏寅亮曰因嫁而降雖彼此俱嫁亦止一降無再降也故大夫之妻服其姑姊妹之嫁於大夫者與大夫同

沈氏彤曰此尊同無尊降直有出降故皆大功也疏文然則大夫妻固有降其本族之旁親者矣沈氏又曰大夫妻於

未嫁者宜爲之期錫恭按既云大夫妻則身已嫁而當出降矣安得爲之期其誤一也又云以尊降宜大功又報其逆降宜小功按此以出降宜大功又以尊降宜小功逆降無報禮教繼公說甚是不得云報其逆降也其誤二也如其逆降有報而女子子兩出不再降彼嫁者於嫁者且不再降而未嫁者顧有逆降耶本無逆降報於何有此則誤中又誤而爲誤之三也至謂許嫁大夫仍報大功已辨於前節而在此爲誤之四以果堂先生之學而兩行之中總有四誤甚矣治禮服之難也

敖氏繼公曰大夫妻爲此姑姊妹但爲本服耳蓋婦人之嫁者於其兄弟惟有出降而已姑姊妹雖不爲命婦猶爲之大功也錫恭按此破鄭君女君有以尊降其兄弟之義也已於前節盛庸三說略辨之矣而盛說實本敖說也且如敖說則此經皆

尊同不降何爲大夫之妻兼及本服爲姑姊妹誠爲本服則上經已有女子子嫁者爲姑姊妹旣無尊降服之者不必別大夫之妻爲服者不必別嫁於大夫固皆統之矣又何爲複列此經也若專爲女子子嫁於大夫者則亦可特設一經如大夫之適子爲妻及大夫之妾爲庶子適人者是特設一經之例也又何爲混列此經也以此知敖說決非經意也

通典馬融曰君諸侯也爲姑姊妹女子子嫁於國君者服也不言諸國者關天子元士卿大夫也上但言

君者欲關天子卿大夫嫁女諸侯皆為大功也按錫恭

天子元士卿大夫者謂關天子之元士天子之卿天

子之大夫也孟子萬章下篇天子之卿受地視侯大

夫受地視伯元士受地視子男而周禮司裘亦稱諸

侯自國君視之固尊同也然由天子之元士自視不

敢同於諸侯故釋句首君字通典引馬注原文無元

士攷周禮典命元士無出封之禮則釋君字無元士

是也由此論之由諸侯視天子之元士為尊同也由

天子之元士視諸侯不敢為尊同也此釋國君關天

子元士而釋君字不關天子元士之旨也胡氏正義

引馬氏說既於釋君字句增元士二字又云以尊同

之義覈之非也似以馬氏解君與國君之意主於諸

侯而上關天子下關卿大夫元士也恐非馬氏之旨

李氏如圭曰檀弓曰齊穀王姬之喪魯莊公為魯嫁

故為之服姊妹之服春秋伯姬卒錫恭按伯姬穀梁

傳曰外夫人不卒此其言卒何也吾女也適諸侯則

尊同以吾爲之變卒之也其尊不同者則皆絕服也
檀弓注春秋周女由魯嫁卒服之如內女天子爲
之無服嫁於王者之後乃服之錫恭按王者之後
天子弗臣亦猶尊同也春秋莊公四年紀伯姬卒
何氏注誼同

通典馬融曰諸侯絕周姑姊妹在室無服也嫁於國

君者尊與己同故服周親服

錫恭按通典載此於傳尊同得服其親服下是

以此爲釋傳而以傳爲單釋君爲姑姊妹一句也

敖氏繼公曰尊同謂君於爲夫人者大夫公之昆弟
於爲命婦者也夫人命婦雖非有爵者然此三人以

其與已敵者齊體之故亦例以尊同者視之而如其
出嫁之服不敢絕之降之也胡氏正義引或說以傳
為兼釋大夫公之昆弟
於為命婦者而許之日亦通錫恭按此即胡氏所謂
亦通者也然不數大夫之妻則其守己說之固而不
可通者也

儀禮經傳通解續先師朱文公親書藁本今案疏義
有未明者竊詳始封之君所以不臣諸父昆弟者以
始封君之父未嘗臣之故始封之君不敢臣也封君
之子所以不臣諸父而臣昆弟者以封君之子所謂
諸父者即始封君謂之昆弟而未嘗臣之者也故封
君之子亦不敢臣之封君之子所謂昆弟者即始封

君之子始封君嘗臣之者也故今爲封君之子者亦臣之封君之孫所謂諸父昆弟者卽封君之子所臣之昆弟及其子也故封君之孫亦臣之故下文繼之以君之所不服子亦不敢服也君之所爲服子亦不敢不服也

郝氏敬曰卑別於尊尊別於卑此見尊尊之爲大也始封不臣諸父昆弟再世不臣諸父此見親親之爲大也

張氏爾岐曰自由也由其位之或卑或尊各自爲別也

盛氏世佐曰諸侯之子以下於經無所釋特因尊降之義而推言之見聖人制禮尊卑之分截然不可亂如此也爲子孫者無自尊而卑其祖之理當從張氏訓自爲由蓋制禮者爲之分別也必爲之分別者以始封之君化家爲國有功德於人後世子孫理宜奉之以爲大祖在不祧不毀之例若仍以別子爲祖則此始封之君反爲所壓而不得伸其尊故不得不舍別子而祖是人矣是禮也因封君之子孫尊崇其大祖而生不生於封君之身也自封君以及其元孫止有四親廟而無大祖廟直至來孫封君親盡當遷乃

立大祖廟以居之大祖之廟不可以人臣居之也

錫

按此語似有病當云必此皆理之至當而不可易者

楊氏非之似過矣注云國君以尊降其親者謂降其

旁親之服耳楊云以封君之不祖公子爲以尊降其

親亦非注意

錫恭按此爲楊氏復說發也楊氏曰子夏傳云自卑別於尊是以子孫之卑自

別於祖之尊此義爲是自尊別於卑乃以子孫之尊

自別於祖之卑此說於理有害而鄭注遂以爲因國

君以尊降其親而說此誼則又愈非禮意蓋國君以

尊降其親謂降其旁親其正統之服不降祖服期曾

祖高祖齊衰三月是未嘗降其祖也鄭注蓋惑於自

尊別卑之說乃以封君之不祖公子爲以尊降其親

而不知公子爲別子繼別爲宗謂之大宗百世不遷

大宗或無後則爲之立後世世不絕而常以公子爲

祖矣若公子之子孫有封爲國君者則後世子孫只

得祖封君而不得祖公子以系其別子之宗非是以

封君之尊別於公子之卑而不祖之也子夏之說既已失之鄭注沿襲謬誤愈差愈遠蓋失而又失者也楊氏妄駁傳注如此故盛氏言此以正之

曹氏元弼曰諸侯以國爲體國必傳之適子故別其庶子上不得禰父下不得宗兄父不服之兄之爲君者亦不服之若始封之君之昆弟則其父未嘗別之己雖爲君安得臣之況諸父乎國自此君始封則大祖之統適適相傳自此君始此君之子孫乃當自卑別於尊者而臣於其昆弟之爲君者爾此尊尊之大義也

又曰喪服諸侯絕期大夫降一等傳曰尊不同也尊

同則得服其親服言得以見不服親服者之爲欲終之而不可得非莫之禁而弗爲也又曰始封之君不臣諸父昆弟封君之子不臣諸父而臣昆弟封君之孫盡臣諸父昆弟故君之所爲服子亦不敢不服也君之所不服子亦不敢服也此言諸侯之不服旁親從乎其先君之臣之而不敢服也夫諸侯之絕旁期尊降也而傳云不得不與厭降同文者蓋封君之孫以後之不服旁親非以己尊加於諸父昆弟乃因封君以尊降其子而不敢服是封君之孫以後之尊降義同於厭降而所以厭降之故則出於封君之尊

降孝經曰雖天子必有尊言有父必有先言有兄先
王制禮無教人以貴臨其諸父昆弟之理故雖崛起
爲諸侯而不臣諸父昆弟服如其親錫恭按此語與
鄧見不同說見
後惟於其子之不受重者乃別之不服以豫絕嬖子
配適骨肉相殘之禍而封君之庶子於封君之子之
嗣爲君者爲昆弟於封君之孫爲諸父君之所不服
子亦不敢服故封君之子臣昆弟封君之孫盡臣諸
父昆弟皆不服非敢不服其諸父昆弟也不敢服其
君之所不服也封君旣以尊降其庶子則其子孫之
嗣爲君與先君爲一體者不敢自以己親而擅服其

先君所不服之諸父昆弟此子天父之義而其諸父
昆弟旣以子而臣於其父之爲君者卽不敢不臣於
其昆弟昆弟之子之繼父而爲君者此父命之行乎
子也此君臣之義所以出於父子也其臣之也非今
君臣之先君臣之也其不服也非今君不服先君不
服也凡封君子孫之絕旁期皆封君之尊降其子此
諸侯降服之義也

賈氏周禮司服疏曰案喪服傳云始封之君不臣諸
父昆弟封君之子不臣諸父而臣昆弟天子之義亦
當然若虞舜之與漢高皆庶人起爲天子蓋亦不臣

諸父昆弟而有服也

李氏如圭曰所不臣者鄭氏謂以其親服服之荀顗以爲大夫猶降其親則諸侯雖所不臣者亦絕不服虞喜以爲大夫亦當從諸侯之例一世爲大夫不降兄弟二世不降諸父三世乃皆降之如圭謂諸侯世國大夫不世爵祿恐不得以世數爲比所不臣者服此國君先儒據小記謂與諸侯爲兄弟者服斬疑亦未然錫恭按李氏此條駁虞氏喜說最爲精確餘或案而不斷或疑而未定錫恭別有辨見後林氏喬蔭曰虞說非諸侯無降服錫恭按此語微誤臣則絕之大夫不絕服止降一等使必俟三代爲大夫而後

皆降則禮於凡降服之文當言世大夫不得止言大

夫錫恭未見林氏書此從禮書通故錄

黃先生日記言與諸侯爲兄弟者服斬亦據不臣者

言賈氏以彼例此于義爲長賈說見前疏

胡氏培翬曰注云不得禰不得祖者不得立其廟而

祭之也者鄭恐人疑公子公孫不得以諸侯爲父祖

故特解之謂傳所云禰與祖者謂不得立禰廟祖廟

而祭之也郊特性曰諸侯不敢祖天子大夫不敢祖

諸侯而公廟之設於私家非禮也卽其義也云卿大

夫已下祭其祖禰者謂公子之子孫有爲卿大夫士

者則但祭其祖禰不得祭諸侯也祭法曰大夫立三廟曰考廟曰王考廟曰皇考廟適士二廟曰考廟曰王考廟官師一廟曰考廟官師中下士也此卿大夫以下之制也若公子身爲大夫則其父自有適子爲諸侯者立廟祭之不得立禰廟以祭其父公子之子爲大夫則立禰廟以祭公子不得立祖廟以祭其祖之爲諸侯者至公子之孫爲大夫則以公子爲祖以公子之子爲禰是爲祭其祖禰不得以諸侯爲祖禰也爲士者亦如之云則世世祖是人不得復祖公子者後世爲君者祖此受封之君不復祀別子也者公子

亦稱別子喪服小記曰別子爲祖鄭注諸侯之庶子
別爲後世始祖也謂之別子者公子不得禰先君若
然則別子當爲祖矣而傳云不祖公子者以此受封
之君有功德而爲諸侯當世世祖之故不復祀別子
也云公子若在高祖以下則如其親服後世遷之乃
毀其廟爾者諸侯五廟四親廟一大祖廟也四親廟
者高曾祖考也此云不祖公子謂不祀公子爲大祖
耳若公子在高祖以下則自如其親服立廟祀之如
公子於始受封者父也則在禰廟祖也則在祖廟曾
祖高祖也則在曾祖廟高祖廟但四親廟以次遞遷

公子在高祖以上親盡無服則遷其主於祧而毀其廟不復祀之非若受封之君後世尊爲大祖親盡不毀也

錫恭簠釋服於封君爲所不臣者服篇曰傳言始封之君不臣諸父昆弟封君之子不臣諸父而臣昆弟封君之孫盡臣諸父昆弟而卽繼之曰故君之所爲服子亦不敢不服也君之所不服子亦不敢服也是明以臣則絕服不臣則服之也而通典載荀氏顗議以爲尊不同則降不待所臣乃絕之諸侯尊重大夫尊輕以大夫尊降其親則知諸侯

雖所不臣絕不服也錫恭按以不臣爲絕不服明
與喪服傳違且不服安所見不臣哉荀氏說非也
賈氏公彥矯之以爲亦旣不臣當服本服期錫恭
按荀說雖非而其言諸侯尊重大夫尊輕固未嘗
不是也大夫之義不得世凡大夫之子父在行大
夫禮父沒不行大夫禮明不世之誼也而詩裳裳
者華序曰古之仕者世祿則大夫容有得世者經
中諸言大夫降服凡爲大夫者皆然世祿者固然
崛起者亦然也以崛起爲大夫者降本服一等而
崛起爲諸侯者服其本服是尊輕者以尊降而尊

重者不以尊降失尊尊之序矣賈氏之說亦非也
然則始封之君與封君之子所不臣者其服當奈
何曰亦如大夫之降一等於何徵之曰於記注徵
之記之注曰女君有以尊降其兄弟者謂士之女
爲大夫妻大夫之女爲諸侯夫人諸侯之女爲天
王后也按此皆降一等也知記注所云降之不兼
絕者大夫之適子爲妻注云君大夫以尊降是降或兼絕通典載田氏瓊說
諸侯女嫁爲天王后降其旁親一等與出降爲二
等夫田氏學於鄭君者也則其所稱皆鄭義也以
此知注所云降之專爲降一等也王后與天王尊

同與諸侯尊不同故爲諸侯降一等夫人與諸侯尊同與大夫尊不同故爲大夫降一等夫人旣與諸侯尊同則自大夫之女而爲諸侯夫人者亦猶始封之君也夫人降其兄弟一等是卽始封君爲諸父昆弟之服之例也夫以始封者所不臣者推之則王后夫人於本親亦所不臣而王后夫人於眾子則無不臣攷田氏又云天子后爲眾子無服夫爲眾子無服而爲兄弟降服是又所臣者絕所不臣者降一等之例也以此證之始封之君與其子爲所不臣者服視本服降一等可無疑已夫賈

氏謂亦旣不臣當服本服失於過厚而其曰所不臣者仍爲著服則不易之論也荀氏謂雖所不臣亦絕不服失於過薄而其曰諸侯尊重大夫尊輕則足正賈氏之過也余述鄭誼而爲此說亦曰節取荀說補完賈疏焉爾而豈敢有所創哉

通典載虞氏喜釋滯先引此傳始封之君一段而說之曰夫始封之君尙服諸父昆弟而始爲大夫便降旁親尊者就重而卑者卽輕輕重顛倒豈禮意哉然當有意此爲據諸侯成例包於大夫以相兼通也如此則一代爲大夫不降諸父

錫恭按脫兄弟二字

二代爲大夫不降兄弟

錫恭按當作諸父

三代爲大夫皆

降之錫恭按虞說之非李寶之先生已辨之矣而後儒猶稱誦者以其言近於厚也竊意降與絕不同絕之者臣之也以尊尊奪親親故惟父得行於子而三世爲君乃得備及於旁親降之者非臣之也不以尊尊奪親親經於大夫諸降服皆仍其本親之稱猶之爲人後者女子子適人者降其本親也故身爲大夫卽降其旁親以是殊此之尊而非以是殺彼之親也若如虞說是尊降無異於厭降也而出降由己何爲不嫌過薄乎以此知禮在得

中不惟近於厚者是從也又虞氏所謂輕重顛倒者是未知封君於所不臣者雖不絕而未嘗不降也錫恭嘗鉤稽而得其例著於釋服明乎此則知輕重不爲顛倒矣

吳氏廷華曰其國君之昆弟則仍祖公子所謂別子爲祖繼別爲宗也錫恭按注云公子若在高祖以下則如其親服謂始封之君列公子於親廟中也公子者別子也是繼別爲始封之君也注又曰後世遷之乃毀其廟爾按遷之者始封君子孫也夫大祖之廟百世不遷今旣遷之明不別立宗子

以奉公子爲祖矣東壁此說與注不合然此公子後裔爲非始封君子孫者其宗法當如何俟攷

張氏惠言曰君之所不服子亦不敢服也疏謂君所臣者不爲之服子亦不服按經有君之庶昆弟服而無公子服則知公子於世叔父庶昆弟之等皆不服疏說是也然則此傳明公子之服也錫恭按此傳主言封君及其嗣君疏說亦是此義然公子之服可推例以通之張氏此條雖非正解足當推說也